

პროლეტარულთ ყველა ქვეყნისა, შეერთდით!

საქართველოს სოც.



საბჭ. რესპუბლიკის

მუშათა და გლეხთა მთავრობის

კანონთა და განკარგულებათა კრებული

ოქსციციის სსსკლსო კომისარიატის გამოცემა

1929 წ. ნოემბრის 5

№ 19

ნაწილი პირველი

ზ ი ნ ა ა რ ს ი

ცენტრალური აღმასრულებელი კომიტეტის და სახალხო კომისარია საბჭოს დადგენილებანი.

200. საავტორო უფლების დებულების დამტკიცებისა და სამოქმედოდ შემოღების შესახებ. დერჟულემა საავტორო უფლების შესახებ.
201. სამაზრო სასამართლოების გაუქმებისა და სისხლის სამართლის და სამოქალაქო სამართლის საქმეების კვემდებარეობის შესახებ.
202. საქართველოს სსრ-ის ქალაქებსა და ქალაქის ტიპის დასახლებულ ადგილებში საცხოვრებელი სადგომების ქირის შესახებ.
203. ადგილობრივი საგლეხო დამზღვევი ხელუზლებელი სათესლე მარაგის (ფონდის) შესახებ.
204. არაშემსლედ ცნობილი პირველადი კოოპერატიული ორგანიზაციების საქმეთა ლიკვიდაციის ერთი ლიკვიდატორისათვის დაკისრების შესახებ.
205. სისხლის სამართლის კოდექსის დანართის—სამხედრო დანაშაულთა დებულების—მე-7 და 8 მუხლების შეცვლის შესახებ.
206. საქართველოს სსრ ჯანმრთელობის სახალხო კომისარიატთან არსებული საკურორტო თაობირის შესახებ.
207. „საველდებულო დადგენილებათა გამოცემისა და ამ დადგენილებათა დარღვევისათვის ადმინისტრატიული წესით გადასახდელის დადების დებულებისათვის“ 40¹ მუხ. დამატების შესახებ.
208. სათემო აღმასრულებელი კომიტეტის მიერ გარიგებათა, ხელშეკრულებათა და დოკუმენტთა შემოწმების თაობაზე გამოცემული დადგენილების შეცვლისა და შევსების შესახებ.
209. „სსრკ-ის სახლარ გარეთ მომქმედ დაწესებულებასა და საწარმოში მომუშავე სპეციალისტების საცხოვრებელი სივრცით უზრუნველყოფისათვის მისაღებ ღონისძიებათა თაობაზე გამოცემული დადგენილების სათაურისა და 1-ლი მუხლის შეცვლის შესახებ.

210. სახლის დროებითი მდგმურებისა და სახლიდან დროებით წასული მდგმურებისათვის საცხოვრებელ სივრცეზე შენარჩუნების პირობების დებულების დამატების შესახებ.
211. საქართველოს სოც. საბჭ. რესპუბლიკის სისხლის სამართლის კოდექსისათვის 106¹ მუხ. დამატების შესახებ.

სახალხო კომისართა საბჭოს დადგენილებანი.

212. ნარკოტიკულ ნივთიერებათა წარმოება-ვაჭრობის მოსაწესრიგებლად გამოქვეყნებული ა/კ სფსრ სახალხო კომისართა საბჭოს 1928 წ. ნოემბრის 10-ს დადგენილების შეფარდებისათვის გამოცემული ინსტრუქციის მე-7 მუხლის ქართული ტექსტის რედაქციის შეცვლის შესახებ.
213. საექსპურსიო-სატურისტო სააქციო საზოგადოება „ტურისტის“-ს ადგილობრივ გადასახადისა და გამოსაღებისაგან, აგრეთვე სასამართლო ბაჟის და სანოტარო გამოსაღებისაგან განთავისუფლების შესახებ.
214. ბინების სანიტარული დაცვის შესახებ.
215. საქართველოს სსრ განათლების სახალხო კომისარიატთან არსებული სახელმწიფო სამეცნიერო საბჭოს დებულების დამტკიცების შესახებ.
დებულება საქართველოს სსრ განათლების სახალხო კომისარიატთან არსებული სახელმწიფო სამეცნიერო საბჭოს შესახებ.
216. სასოფლო სამეურნეო პროდუქციის მწარმოებლებთან სასოფლო-სამეურნეო საკრედიტო ამხანაგობათა მეშვეობით ანგარიშის გასწორების წესის დამყარების შესახებ.
217. სამედიცინო და სავეტერინარო დარგის მომუშავეთა, აგრეთვე სასოფლო და სატყეო მეურნეობის სპეციალისტთა მდგომარეობის გაუმჯობესების ღონისძიებათა შესახებ.
218. საერთო-სახელმწიფოებრივი და ადგილობრივი მნიშვნელობის კურორტებისათვის საგადასახადო შეღავათების მინიჭების შესახებ.
219. საქართველოს სსრ ტერიტორიაზე 1929/30 წელს წყლის გამოსაღების ჩატარების შესახებ.
220. „საქართველოს სსრ ტერიტორიაზე 1929/30 წელს წყლის გამოსაღების ჩატარების თაობაზე“ გამოცემული 1929 წ. სექტემბრის 10-ს დადგენილების მე-3 მუხლისთვის შენიშვნის დამატების შესახებ.

ცენტრალური აღმასრულებელი კომიტეტისა და სახალხო კომისართა საბჭოს დადგენილებანი

200. დადგენილებანი ც.ა.კ. და ს.ა.ს.

საავტორო უფლების დებულების დამტკიცებისა და სამოქმედოდ შემოღების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. დამტკიცებულ იქნეს ამა დადგენილებასთან დართული დებულება საავტორო უფლების შესახებ და შემოღებულ იქნეს იგი სამოქმედოდ საქართველოს სსრ და მის შედგენილობაში შემავალი აფხაზეთი სსრ, აჭარისტანის ავტონომიური სსრ და სამხრეთ-ოსეთის ავტონომიური ოლქის ტერიტორიაზე დღიდან გამოქვეყნებისა.

2. ყველა უფლებრივი ურთიერთობა და დავა, რაც აღძრულია საავტორო უფლების ნიადაგზე ზემოაღნიშნული საავტორო უფლების დებულების გამოქვეყნებამდე, მათ შორის ისეთიც, რომელიც საავტორო ჰონორარის უფლებიდან გამომდინარეობს, გადაწყდება: 1928 წლის ივლისის 17-მდე აღძრული—სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს მიერ „საავტორო უფლების საფუძველთა შესახებ“ 1925 წლის იანვრის 30-ს თარიღით გამოცემული დადგენილებისა (სსრკ კან. კრ. 1925 წ. მე-7 №-რი, მუხ. 66 და 67) და ამ დადგენილების განსავითარებლად გამოცემული—საქართველოს სსრ განათლების სახალხო კომისარიატის ინსტრუქციებისა, წესებისა და ცირკულარების საფუძველზე, ხოლო 1928 წლის ივლისის 17-ის შემდეგ აღძრული—სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს მიერ 1928 წლის მაისის 16-ს დამტკიცებული „საავტორო უფლების საფუძველებისა“ (სსრკ კან. კრებ. 1928 წ. 27 №-რი, მუხ. 246) და საქართველოს სსრ განათლების სახალხო კომისარიატის იმ დადგენილებებისა, ინსტრუქციებისა, წესებისა და ცირკულარების საფუძველზე, რომელიც აღნიშნულ აქტს არ ეწინააღმდეგება.

შენიშვნა. საავტორო უფლების მოქმედების ვადების შესახები საკითხები გადაწყდება იმ წესების მიხედვით, რაც გათვალისწინებულია სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს მიერ „საავტორო უფლების საფუძველთა ახალი რედაქციით სამოქმედოდ შემოღების შესახებ“ 1928 წლის მაისის 16-ის თარიღით გამოცემული დადგენილების (სსრკ კან. კრ. 1928 წ. 27 №-რი, მუხ. 245) მე-2 მუხლით.

3. წინადადება მიეცეს საქართველოს სსრ განათლების სახალხო კომისარიატს ორი თვის განმავლობაში ამა დადგენილების გამოქვეყნების დღიდან:

ა) გამოსცეს, კანონით აღნიშნულ შემთხვევაში სათანადო უწყებებთან შეთანხმებით, დადგენილებები, წესები და ინსტრუქციები ყველა იმ საკითხის შესახებ, რომლის გადაწყვეტაც საავტორო უფლების დებულებით ხსენებულ კომისარიატს აქვს დაკისრებული;

ბ) შეიმუშაოს და წარუდგინოს საქართველოს სსრ სახალხო კომისართა საბჭოს პროექტი საგამომცემლო ხელშეკრულებით საავტორო ჰონორარის უკიდურესი განაკვეთებისა (საავტორო უფლების დებულების 24 მუხლი).

წინადადება მიეცეს აფხაზეთის სსრ და აჭარისტანის ავტონომიურ სსრ სახალხო კომისართა საბჭოებს და აგრეთვე სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს—დაავალონ ამ რესპუბლიკებისა და

ოლქის განათლების სახალხო კომისარიატებს, რათა მათ იმავე ვადაზე და იმავე წესით შეასრულონ ამა მუხლის „ა“ პუნქტში აღნიშნული მინდობილობა.

სრულიად საქართველოს ცენტრალური აღმას-
რულებელი კომიტეტის თავმჯდომარის მაგ. თ. ჟღენტი.

საქართველოს სსრ სახალხო კომისარიატის საბჭოს
თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმას-
რულებელი კომიტეტის მდივნის მაგ. დ. ქუჩულორია.

1929 წ. აგვისტოს 30.

ტფილისი—სასახლე.

დ ე ბ უ ლ ე ბ ა

ს ა ა ვ ტ ო რ ო უ ფ ლ ე ბ ი ს შ ე ს ა ხ ე ბ ა

1. საავტორო უფლება ისეთ ნაწარმოებზე, რომელიც გამოცემულია (მუხ. 15) საქართველოს სსრ და სოც. საბჭ. რესპუბლიკების კავშირის შედგინილობაში შემავალი სხვა რესპუბლიკების ტერიტორიაზე, აგრეთვე ისეთ ნაწარმოებზე, რომელიც საქარვ. სსრ და აღნიშნული რესპუბლიკების ტერიტორიაზე არის ხელნაწერის და ესკიზის სახით ან სხვა ობიექტიური ფორმით,—ეკუთვნის ავტორს და მის უფლებებს მენაცვლეს, დამოუკიდებლად მათი მოქალაქეობისა.

2. საავტორო უფლება საზღვარგარეთ გამოცემულ ნაწარმოებზე ან ისეთ ნაწარმოებზე, რომელიც ხელნაწერის თუ ესკიზის სახით ან სხვა რაიმე ობიექტიური ფორმით საზღვარგარეთ არის, ცნობილ იქნება მარტოოდენ იმ შემთხვევაში, უკეთუ არსებობს სპეციალური შეთანხმება სსრ კავშირისა და სათანადო სახელმწიფოს შორის, თანაც მხოლოდ იმ ფარგლებში, რაც ამ შეთანხმებით დაწესებულია.

3. სსრ კავშირის მოქალაქისა და მისი მემკვიდრის საავტორო უფლება ისეთ ნაწარმოებზე, რომელიც უცხო სახელმწიფოში გამოიცა ან ამ სახელმწიფოს ტერიტორიაზე ინახება ხელნაწერის, თუ ესკიზის სახით, ან და სხვა რაიმე ობიექტიური ფორმით, დაცული იქნება საქართველოს სსრ ტერიტორიაზე მიუხედავად იმისა, არსებობს თუ არა სსრ კავშირისა და ამ სახელმწიფოს შორის მე-2 მუხლით გათვალისწინებული შეთანხმება.

ავტორის უფლების მენაცვლის,—მემკვიდრის გარდა,—საავტორო უფლება ამა მუხლით გათვალისწინებულ ნაწარმოებზე არ იქნება დაცული საქართველოს სსრ ტერიტორიაზე.

4. საავტორო უფლება ვრცელდება ლიტერატურისა, მეცნიერებისა და ხელოვნების ყოველ ნაწარმოებზე, რა საშუალებითაც და რა ფორმითაც უნდა

იყოს იგი შექმნილი, და როგორც უნდა იყოს მისი ღირსება და დანიშნულება, მაგალითად: ზეპირი ნაწარმოები (სიტყვა, ლექცია, მოხსენება და სხვ.); წერილობითი ნაწარმოები (წიგნი, წერილი, კრებული და სხვ.); დრამატიული და მუსიკალურ-დრამატიული ნაწარმოები; თარგმანი; ხორეოგრაფიული ნაწარმოები და პანტომიმა, რომელთა შესრულების წესიც განმარტებულია წერილობით ან სხვა რაიმე საშუალებით; კინემატოგრაფიული სცენარი; მუსიკალური ნაწარმოები ტექსტით ან უტექსტოთ; ნახატი, სამხატვრო, საქანდაკო, საარქიტექტურო და გრაფიული ხელოვნების ნაწარმოები, ილუსტრაცია, გეოგრაფიული რუკა; ისეთი გეგმა, ესკიზი და პლასტიური ნაწარმოები, რაც სამეცნიერო დარგს, ტექნიკას ან დრამატიული თუ მუსიკალურ-დრამატიული ნაწარმოების სცენაზე დადგმას შეეხება; კინო-ლენტი; ფოტოგრაფიული ნაწარმოები და აგრეთვე ფოტოგრაფიკებული საშუალებით დამზადებული ნაწარმოები და სხვ.

5. საავტორო უფლება ორი ან რამდენიმე ავტორის შრომით შექმნილ ნაწარმოებზე ეკუთვნის ყველა თანაავტორს იმისდამიუხედავად წარმოადგენს ასეთი კოლექტიური ნაწარმოები ერთ განუყოფელ მთლიან ნაწარმოებს, თუ იგი შესდგება ისეთი ნაწილებისაგან, რომელთაც აქვთ დამოუკიდებელი სამეცნიერო, ლიტერატურული ან მხატვრული მნიშვნელობა. თანაავტორების ურთიერთობა ამ შემთხვევაში განისაზღვრება მათი შეთანხმებით.

კოლექტიური ნაწარმოების თვითიული თანაავტორი შეინარჩუნებს საავტორო უფლებას, ნაწარმოების იმ ნაწილზე, რომელიც მის მიერ არის შექმნილი, უკეთეს ამ ნაწილს დამოუკიდებელი სამეცნიერო, ლიტერატურული ან მხატვრული მნიშვნელობა აქვს და უკეთეს თანაავტორებთან დადებული შეთანხმებით სხვა რამ არ არის გათვალისწინებული.

6. ისეთი ნაწარმოებთა კრებულის შემდგენელთ, რაც ვისიმე საავტორო უფლების საგანს არ წარმოადგენს (მაგალითად, ისეთი ნაწარმოები, რომელსაც გაუფიქრა საავტორო უფლების ვადა; ყოველგვარი ოფიციალური დოკუმენტი, როგორცაა: კანონი, სასამართლოს გადაწყვეტილება და სხვ., ხალხური შემოქმედების ნაწარმოები და სხვ.), ეკუთვნის საავტორო უფლება აღნიშნულ კრებულზე მხოლოდ იმ შემთხვევაში, უკეთეს მათ დამოუკიდებლად დაამუშავეს ხსენებული ნაწარმოებნი. ასეთივე უფლება ეკუთვნის აღნიშნული კატეგორიების ცალკე ნაწარმოების რედაქტორსაც.

ხოლო ეს უფლება ვერ დააბრკოლებს სხვა პირს დამოუკიდებლად დაამუშავოს და გამოსცეს იგივე ნაწარმოებნი.

ისეთი ნაწარმოებთა კრებულის შემდგენელთ, რომელიც ვისიმე საავტორო უფლების საგანს წარმოადგენს, საავტორო უფლება ამ კრებულზე ეკუთვნის მხოლოდ იმ პირობით, უკეთეს კრებული შედგენილია ავტორთა უფლების დაცვით. კრებულში შეტანილ ნაწარმოებთა ავტორები შეინარჩუნებენ უფლებას გამოუშვან აღნიშნული ნაწარმოებები სხვა გამოცემებში, უკეთეს კრებულის შემდგენელთან დადებული ხელშეკრულებით სხვა რამ არ არის გათვალისწინებული.

7. საავტორო უფლება კინო-ლენტზე ეკუთვნის ამ ლენტის გამომშვებ კინო-წარმოების საწარმოს. სცენარის ავტორი შეინარჩუნებს უფლებას მიიღოს სასყიდელი კინო-ლენტის საჯარო დემონსტრაციისათვის.

8. ავტორს აქვს განსაკუთრებული უფლება თავისი სახელით ან პირობითი სახელით (პსევდონიმი) ან და უსახელოდ (ანონიმი) გამოაქვეყნოს თავისი ნაწარმოები და კანონით დაწესებული ვადის განმავლობაში ხელახლა გამოუშვას და გაავრცელოს იგი კანონით ნებადართული ყოველგვარი საშუალებით და აგრეთვე ყოველი კანონიერი გზით გამოიყენოს აღნიშნული განსაკუთრებული უფლება ქონებრივი გამორჩენის მისაღებად.

9. გამოუცემელი დრამატიული, მუსიკალურ-დრამატიული, საპანტამიმო, ხორეოგრაფიული და კინემატოგრაფიული ნაწარმოების ავტორს აქვს განსაკუთრებული უფლება თვისი ნაწარმოების საჯაროდ შესრულებისა.

ჩამოთვლილი კატეგორიების გამოუცემელი, მაგრამ თუნდაც ერთხელ საჯაროდ შესრულებული ნაწარმოების მიმართ საქართველოს სსრ, მოკავშირე აფხაზეთის სსრ, აჭარისტანის ავტონომიური სსრ და სამხრეთ-ოსეთის ავტონომიური ოლქის განათლების სახალხო კომისარიატების, კუთვნილებისამებრ, უფლება აქვთ ნება დართონ მისი საჯაროდ შესრულებისათვის—ავტორის თანხმობის გარეშეც, ხოლო იმ პირობით კი, რომ გადახდილ იქნეს საავტორო ჰონორარი.

ერთ-ერთი აღნიშნული კატეგორიის გამოცემული ნაწარმოების ავტორს არ შეუძლიან აკრძალოს ამ ნაწარმოების საჯაროდ შესრულება, ხოლო მას უფლება აქვს, მე-10 მუხლის „ი“ პუნქტით გათვალისწინებული შემთხვევის გარდა, მიიღოს საავტორო ჰონორარი.

ჰონორარის რაოდენობას და მისი გადახდის წესს ორივე შემთხვევაში განსაზღვრავს საქართველოს სსრ, მოკავშირე აფხაზეთის სსრ, აჭარისტანის ავტონომიური და სამხრეთ ოსეთის ავტონომიური ოლქის განათლების სახალხო კომისარიატები, კუთვნილებისამებრ.

10. საავტორო უფლების დარღვევად არ ჩაითვლება:

ა) სხვისი ნაწარმოების ვადათარგმნა სხვა ენაზე;

ბ) სხვისი ნაწარმოების გამოყენება ახალი, მისგან არსებითად განსხვავებული ნაწარმოების შესაქმნელად, ხოლო ამასთან მოთხრობითი ნაწარმოების გადაკეთება დრამატიულ ნაწარმოებად და კინო-სცენარად და წინაუქმო, აგრეთვე დრამატიული ნაწარმოების გადაკეთება კინოსცენარად და წინაუქმო, შეიძლება მხოლოდ ავტორის ან მისი უფლების მენაცვლის თანხმობით;

გ) პატარა ცალკეული ნაწყვეტების მოთავსება და თუნდაც მთლიანად გადაბეჭდვა, პატარა ლიტერატურული და სხვა ნაწარმოებისა, აგრეთვე მცირე რაოდენობის სურათებისა, რენტგენოგრაფებისა და სხვა სამეცნიერო, პოლიტიკურ-განმანათლებელ და სასწავლო კრებულში და სხვა სამეცნიერო ნაწარმოებში, ხოლო ამ შემთხვევაში სავალდებულოა ავტორის დასახელება და იმ წყაროების აღნიშვნა, საიდანაც მასალა ამოღებული;

დ) მოთავსება ლიტერატურის, მეცნიერების და ხელოვნების სფეროში გამოცემული ზეპირი და წერილობითი ნაწარმოების ანგარიშებისა, რითაც გადმოიცემა ნაწარმოების შინაარსი დამოუკიდებელი ფორმით ან მოყვანილ იქნება ორიგინალი საჭიროებისადამიხედვით;

ე) საჯარო სხდომაზე წარმოთქმული სიტყვის მოთავსება პეროიდულ გამოცემათა ანგარიშებში;

ვ) პერიოდულ გამოცემაში გადაბეჭდვა გაზეთში მოთავსებული ცნობებისა და აგრეთვე ისეთი წერილებისა, რასაც ბელეტრისტული ხასიათი არა აქვს, არა უადრეს ამ ცნობების თუ წერილის გამოქვეყნების მეორე დღისა; ამასთანავე სავალდებულოა გადაბეჭდილი წერილის ავტორის და იმ წყაროს აღენიშვნა, საიდანაც ეს წერილი ამოღებულია;

ზ) სახვითი ხელოვნების ნაწარმოებისა, ნახატისა, ილუსტრაციისა, ფოტოგრაფიისა, ნახაზისა და სხვ. რეპროდუქციის გადაბეჭდვა პერიოდულ გამოცემაში იმ პირობების და წესის დაცვით, რაც დადგენილია წერილების გადაბეჭდვისათვის (ამა მუხლის „ვ“ პუნქტში);

თ) კომპოზიტორის მიერ თავისი მუსიკალური ნაწარმოებისათვის სხვისი ლიტერატურული ნაწარმოებიდან ამოღებული ტექსტის გამოყენება, უკეთეს ეს აკრძალული არ იქნება, რაც ამ ნაწარმოების ავტორის მიერ თავისი ნაწარმოების ყოველ ექვემდებარე უნდა იყოს აღნიშნული;

ი) მე-9 მუხლით გათვალისწინებული სხვისი ნაწარმოების საჯაროდ შესრულება კულტურულ-განმანათლებელი ხასიათის დაწესებულებაში იმ პირობით, უკეთეს დამსწრეთ ფული არ გადახდებათ;

კ) გამოსახვა სამხატვრო ნაწარმოებისა საქანდაკო საშუალებით და წინაუქმო—საქანდაკო ნაწარმოებისა სამხატვრო საშუალებით;

ლ) ქუჩებში და მოედნებზე მოთავსებული მხატვრული ნაწარმოების გადაღება, იმ შემთხვევის გარდა, როდესაც საქანდაკო ნაწარმოები გადაიღება მექანიკურ-კონტაქტური საშუალებით;

მ) ყოველგვარი ნაწარმოების მოთავსება საჯარო გამოფენაზე, ისეთი ნაწარმოების გარდა, რომლის საჯაროდ გამოფენაც აკრძალულია ავტორის მიერ;

ნ) შენობისა და ნაგებობის აგება ავტორის მიერ გამოქვეყნებული საარქიტექტურო, საინჟინერო და სხვა ტექნიკური გეგმით, ნახაზით და ნახატით, უკეთეს ავტორს გამოქვეყნების დროს არ აღუნიშნავს, რომ ამ უფლებას იგი მართო თავისთვის იტოვებს;

ო) სხვისი ნაწარმოებიდან ასლის გადაღება მართოდენ პირადი მოხმარებისათვის და იმ პირობით, რომ სამხატვრო ან ფოტოგრაფიული ნაწარმოების ასლზე მოთავსებულ არ იქნეს დედანის ავტორის ხელმოწერილი ან მონოგრამა; ამასთანავე საქანდაკო ნაწარმოებიდან ასეთი ასლის გადაღება მექანიკურ-კონტაქტური საშუალებით არ შეიძლება;

პ) სამხატვრო ან ფოტოგრაფიული ნაწარმოების გამოყენება საფაბრიკო-საქარხნო, შინა და სახელოსნო მრეწველობის ნაკეთობაში იმ პირობით კი, რომ ავტორის მიეცეს ჰონორარი იმ რაოდენობით და იმ წესით, რასაც განსაზღვრავს საქართველოს სსრ განათლების სახალხო კომისარიატი, საქართველოს სსრ სახალხო მეურნეობის უმაღლეს საბჭოსთან შეთანხმებით.

შენიშვნა 1. განსაკუთრებულ შემთხვევაში, როდესაც ავტორი არ დასთანხმდება მოთხოვნილი ნაწარმოების გადაკეთებაზე დრამატიულ ნაწარმოებად ან კინო-სცენარად და წინაუქმო, ან დრამატიული ნაწარმოების გადაკეთებაზე კინო-სცენარად და წინაუქმო (ამა მუხლის „ბ“ პუნქტი), სათანადო ნებართვა შეიძლება გასცეს საქართველოს სსრ, მოკავშირე აფ-



ხაზეთის სსრ, აჭარისტანის ავტონომიური სსრ და სამხრეთ-ოსეთის ავტონომიური ოლქის განათლების სახალხო კომისარიატებმა იმისდამიხედვით თუ რომელი რესპუბლიკის თუ ოლქის ტერიტორიაზე განზრახული გადაკეთებული ნაწარმოების გამოშვება; ამასთანავე ჰონორარის გადახდის წესს და მის რაოდენობას ამ შემთხვევაში განსაზღვრავენ აღნიშნული განათლების სახალხო კომისარიატები კუთვნილებისამებრ.

შენიშვნა 2. იმ ნაწყვეტებისა და ნაწარმოების უკიდურეს ოდენობას, რომელთა გადაბეჭდვაც შეიძლება ამა მუხლის „გ“ პუნქტის წესით, განსაზღვრავს საქართველოს სსრ განათლების სახალხო კომისარიატი.

უკეთუ გადაბეჭდვის დროს ვადამეტებული იქნება განათლების სახალხო კომისარიატის მიერ დაწესებული ნომრები, ავტორს ყოველ შემთხვევაში უფლება აქვს მიიღოს ჰონორარის მთელი გადაბეჭდილი მასალისათვის, ამასთანავე უკეთუ გადაბეჭდვა მოხდა ავტორის თანხმობის გარეშე, მას უფლება აქვს მოითხოვოს ზარალის ანაზღაურება საერთო საფუძველზე.

შენიშვნა 3. უფლება ჯილდოს მიღებისა მხატვრული თუ ფოტოგრაფიული ნაწარმოების გამოყენებისათვის საქარხნო-საფაბრიკო, შინა და სახელოსნო მრეწველობის ნაკეთობაში ამა მუხლის „პ“ პუნქტის თანახმად აქვს მხოლოდ აღნიშნული ნაწარმოების იმ ავტორს, რომელსაც ეს ნაწარმოები არ გაუტარებია რეგისტრაციაში სამრეწველო ნიმუშთა კანონის წესისამებრ და რომელსაც არა აქვს განსაკუთრებული უფლება ნაწარმოებზე აღნიშნული კანონის თანახმად. ავტორის ხსენებულ უფლებათა დარღვევა მოწესრიგდება სამრეწველო ნიმუშთა კანონის მიხედვით.

11. საავტორო უფლება, მე-12, მე-13 და მე-14 მუხლებით დადგენილის გამოწვევის გარდა, ეკუთვნის ავტორს სიკვდილამდე, ხოლო მის მემკვიდრეს — 18 მუხლით გათვალისწინებული ვადის ფარგლებში.

12. საავტორო უფლების სარგებლობის ვადა ხორეოგრაფიულ და საპანტამიმო ნაწარმოებზე, კინემატოგრაფიულ სცენარსა და კინო-ლენტზე განისაზღვრება ათი წლით.

13. საავტორო უფლების სარგებლობის ვადა ფოტოგრაფიულ და ფოტოგრაფიისებური საშუალებით დამზადებულ ნაწარმოებზე განისაზღვრება ცალკე ნაწარმოებისათვის ხუთი წლით, ხოლო ნაწარმოებთა კრებულისათვის—ათი წლით.

იმისათვის, რომ ფოტოგრაფმა შეინარჩუნოს საავტორო უფლება ფოტოგრაფიულ ნაწარმოებზე საჭიროა თვითიველ ექვემდებარებულ ადინიშნოს: ფირმა ან ფოტოგრაფის სახელი, მისი გვარი და საცხოვრებელი ადგილი, აგრეთვე ფოტოგრაფიული ნაწარმოების გამოშვების წელი.

14. ჟურნალებისა და სხვა პერიოდული გამოცემისა და აგრეთვე ენციკლოპედიური ლექსიკონის გამომცემელს ეკუთვნის საავტორო უფლება ამ გამომცემებზე მთლიანად ათი წლის განმავლობაში მათი გამოშვების დროიდან.

ამ გამოცემათა თანაშრომელნი შეინარჩუნებენ საავტორო უფლებას თავის ცალკე ნაწარმოებზე, უკეთუ ხელშეკრულებით სხვა რამ არ არის გათვალისწინებული.

15. საავტორო უფლების ვადის გამოიანგარიშებისათვის ყოველი ნაწარმოები გამოქვეყნებულად ჩაითვლება იმ წლის იანვრის 1-დან, რა წელსაც იგი პირველად იქნა კანონიერად გამოცემული სათანადო ტექნიკური საშუალებით.

ვადის გამოიანგარიშებისათვის გამოცემას გაეთანაბრება: დრამატიული და მუსიკალური - დრამატიული ნაწარმოების საჯაროდ წარმოდგენა, მუსიკალური ნაწარმოების საჯაროდ შესრულება, კინოლენტის საჯარო დემონსტრაცია, სახვითი ხელოვნების, ფოტოგრაფიის, აგრეთვე ფოტოგრაფიისებური საშუალებით მამზადებული ნაწარმოების საჯაროდ გამოფენა და საარქიტექტურო ნაწარმოების აგება.

შენიშვნა 1. კინოლენტის საჯარო დემონსტრაციად არ ჩაითვლება მისი საზოგადოებრივი ჩვენება, უკეთუ დამსწრეთ ფული არ გადახდებათ.

შენიშვნა 2. საავტორო უფლების ვადა კინო-სცენარზე გამოიანგარიშება ამა დებულების მე-15 მუხლის წესისამებრ, იმ წლის იანვრის 1-დან, რომელ წელსაც მოხდა აღნიშნული კინო-სცენარით დამზადებული კინოლენტის საჯარო დემონსტრაცია, უკეთუ ეს კინო-სცენარი მანამდე ბეჭდვითი ნაწარმოებში გამოქვეყნებული არ ყოფილა.

16. საავტორო უფლების ვადა ისეთ ენციკლოპედიურ ლექსიკონზე, რომელიც ცალკე ტომებად გამოდის, გამოიანგარიშება იმ წლის იანვრის 1-დან, რა წელსაც გამოშვებულ იქნა ლექსიკონის უკანასკნელი ტომი, უკეთუ ერთი ტომის გამოცემიდან შემდეგი ტომის გამოცემამდე გასული დრო ექვს თვეს არ აღემატება. იმ შემთხვევაში, როდესაც ეს დრო ექვს თვეს აღემატება საავტორო უფლების ვადა გამოიანგარიშება იმავე წესით თვითეული ცალკე ტომის გამოშვების დროიდან.

საავტორო უფლება ისეთ პერიოდულ გამოცემაზე, რომელიც ცალკე გამოცემად ან წიგნაკებად გამოდის გამოიანგარეშება საერთო საფუძველზე, ე. ი. ცალ-ცალკე თვითეული გამოცემისა თუ წიგნაკისათვის.

შენიშვნა. წესი ნაწარმოების გამოშვების დროის რეგისტრაციისა, რაც აღნიშნულია ამა მუხლში, განისაზღვრება ინსტრუქციით, რომელსაც გამოსცემს საქართველოს სსრ განათლების სახალხო კომისარიატი, საქართველოს სსრ ფინანსთა სახალხო კომისარიატთან და მუშათა და გლეხთა ინსპექციასთან შეთანხმებით.

17. ავტორს და მის მემკვიდრეს უფლება აქვთ რეგისტრაციაში გაატარონ თავისი ნაწარმოების გამოშვების დრო (გამოქვეყნების, პირველი საჯარო შესრულების, სახვითი ხელოვნების ნაწარმოების პირველად საჯარო გამოფენის და სხვ.) განათლების სახალხო კომისარიატის ორგანოებისათვის სათანადო განცხადების წარდგენით და ამ განცხადების განსაკუთრებულ რეესტრში შეტანით.

რეგისტრაციის ორგანოთა უარი ნაწარმოების რეგისტრაციაში გატარებაზე არ ართმევს დაინტერესებულ პირთ უფლებას—ნაწარმოების გამოშვების დრო სხვა რაიმე საშუალებით დაადგინონ.

ნაწარმოების რეგისტრაცია, უკეთუ სასამართლო წესით სხვა რამ არ არის დამტკიცებული, წარმოადგენს დამამტკიცებელ საბუთს იმ მომენტის დასადგენად, რა მომენტიდანაც უნდა დაიწყოს საავტორო უფლების ვადის დენა, ხოლო იგი

ხელს ვერ შეუშლის მესამე პირთ აღძრან დაეა რეგისტრაციაში) გატარებული ნაწარმოების საავტორო უფლების შესახებ.

18. საავტორო უფლება ავტორის გარდაცვალების შემდეგ გადადის ავტორის მემკვიდრეზე, რომელიც ამ უფლებას შეინარჩუნებს თუთხმეტი წლის განმავლობაში, დაწყებული ავტორის გარდაცვალების წლის იანვრის 1-დან, გარდა იმ შემთხვევებისა რაც გათვალისწინებულია ამა დებულების მე-12, 13 და 14 მუხლებით; ამ უქანასქნელ შემთხვევებში, საავტორო უფლება მემკვიდრეზე გადადის მხოლოდ იმ ვადით, რაც დარჩა ავტორის გარდაცვალების დღიდან კანონის ამ მუხლებით დაწესებული ვადის გასვლამდე.

ავტორის მემკვიდრეზე გადასული საავტორო უფლების ფულადი შეფასება არ შედის სამკვიდრო ქონების საერთო შეფასებაში მემკვიდრეობის წესით გადასული ქონების გადასახადის გამოანგარიშების დროს.

19. უკეთუ ავტორის სიკვდილის შემდეგ კანონით ან ანდერძით მემკვიდრე არ აღმოჩნდება, საავტორო უფლება მოისპობა. ის ნაწარმოები, რომლის მიმართაც საავტორო უფლებამ თავისი მოქმედება შესწყვიტა, ზემოაღნიშნული წესის ძალით, ან საავტორო უფლების მოქმედების ვადა, რაც გათვალისწინებულია მე-12, 13, 14 და 18 მუხლში, უკვე გავიდა, შეიძლება იქნეს რეპროდუქტირებული, გამოცემული, გავრცელებული და შესრულებული ყველა პირის მიერ ამა დებულებით დადგენილი შეზღუდვის გარეშე.

20. საავტორო უფლება შეიძლება მთლიანად ან ნაწილობრივ გასხვისებულ იქნეს საგამომცემლო ხელშეკრულებით, ანდერძით ან სხვა რაიმე კანონიერი საშუალებით.

ხელშეკრულება საავტორო უფლების დათმობის შესახებ ქმნილ უნდა იყოს წერილობით და მასში სისწორით უნდა აღინიშნოს საავტორო უფლების გამოყენების ხასიათი და პირობები.

უკეთუ ხელშეკრულებისათვის დადგენილი წერილობითი ფორმა დაკულ არ იქნა, მხარენი ჰკარგავენ უფლებას, თუ ვინემ დაეა განაცხადა, ხელშეკრულების არსებობის დასადასტურებლად დაემყარონ მოწმეთა ჩვენებას, მაგრამ ისინი არ ჰკარგავენ უფლებას მოიყვანონ წერილობითი დამამტკიცებელი საბუთები.

შენიშვნა. წერილობითი ფორმა სავალდებულო არ არის ისეთი ნაწარმოების საავტორო უფლების გასხვისების ხელშეკრულებისათვის, რომელიც უნდა დაიბეჭდოს პერიოდულ გამოცემაში ან ენციკლოპედიურ ლექსიკონში.

21. საგამომცემლო ხელშეკრულების ძალით ავტორი უთმობს განსაზღვრულ ვადით თავის განსაკუთრებულ უფლებას ობიექტიური ფორმით ჩამოყალიბებული ნაწარმოების გამოცემაზე, ხოლო საგამომცემელი კისრულობს გამოსცეს ეს ნაწარმოები და მიიღოს მისგან დამოკიდებული ყველა ღონისძიება მისი გავრცელებისათვის.

საგამომცემლო ხელშეკრულების დადება შეიძლება ისეთ ნაწარმოებზედაც, რომელიც ხელშეკრულების დადების დროს არ არის სათანადო ობიექტიური ფორმით ჩამოყალიბებული (სალიტერატურო შეკვეთა).

შენიშვნა. ავტორს უფლება აქვს თავის ნაწარმოებთა სრული კრებულის გამოცემის დროს შეიტანოს ამ კრებულში ისეთი ნაწარმოებებიც, რომლის გამოცემის უფლება მან უკვე სხვა პირს დაუთმო.

22. საგამომცემლო ხელშეკრულებაში სისწორით უნდა განისაზღვროს განხეიბებული საავტორო უფლების გამოყენების ხასიათი და პირობები, კერძოდ, უნდა აღინიშნოს გამოცემათა რაოდენობა, ამ გამოცემათა ტირაჟი, ნაწარმოების გამოქვეყნების ვადა, საავტორო ჰონორარის რაოდენობა და საგამომცემლო ხელშეკრულების ვადა; ამასთანავე დაცულ უნდა იქნეს ყველა ის შეზღუდვა, რაც დადგენილია ამა დებულების შემდეგი მუხლებით.

უკეთეს საგამომცემლო ხელშეკრულებაში გათვალისწინებული არ არის გამომცემლობის უფლება ნაწარმოების ხელახლა გამოცემისა, გამომცემლობას მისი ხელახლა გამოცემა შეუძლიან მხოლოდ იმ პირობით, უკეთეს მიიღებს ავტორის წერილობით თანხმობას თვითეული (მორიგი) განმეორებითი გამოცემისათვის.

23. საგამომცემლო ხელშეკრულება სალიტერატურო ნაწარმოების (მათ შორის სამეცნიერო და პუბლიცისტური ნაწარმოების) შესახებ, შეიძლება დადებულ იქნეს ვადით არა უმეტეს ხუთი წლისა.

ეს ვადა გამოიანგარიშება ხელშეკრულების დადების ან ხელნაწერის მიღების დღიდან, უკეთეს ეს ხელნაწერი უფრო გვიან იყო მიღებული, ან ხელნაწერის მიღებისათვის დადგენილი ვადის გასვლის დღიდან, უკეთეს ხელნაწერი მიღებულ იქნა შეპირებული ვადის გადაცილებით.

აღნიშნული ვადა ორი ან მეტი ტომისაგან შემდგარი ნაწარმოებისათვის გამოიანგარიშება იმ დღიდან, როდესაც გამომცემლობას ჩაბარდა უკანასკნელი ტომის ხელნაწერი.

24. განსაზღვრული ტირაჟის დროს საავტორო ჰონორარი ლიტერატურული ნაწარმოების (სამეცნიერო, პუბლიცისტურის, მხატვრული პროზის, პოეზიის, დრამატურგიის, საბავშვო ლიტერატურის, კრიტიკის და თარგნული მხატვრული ლიტერატურის) გამოცემისა და გავრცელების უფლების გასხვისებისათვის გამომცემლობის სასარგებლოდ—არ შეიძლება იყოს იმ უკიდურეს განაკვეთზე ნაკლები, რასაც დააწესებს საქართველოს სსრ სახალხო კომისარათ საბჭო.

25. გამომცემელი ვალდებულია გამოუშვას ნაწარმოები ხელშეკრულებით გათვალისწინებულ ვადაზე; ამასთანავე ეს ვადა ლიტერატურული ნაწარმოებისათვის (მათ შორის სამეცნიერო და პუბლიცისტურისათვის) არ შეიძლება აღმატებოდეს შემდეგ ვადებს:

ა) პერიოდული გამოცემისათვის და აგრეთვე ისეთი ნაწარმოებისათვის, რომელიც შეიცავს ხუთამდე ნაბეჭდ ფურცელს,—ექვს თვეს;

ბ) სხვა ლიტერატურული ნაწარმოებისათვის, რომელიც შეიცავს არა უმეტეს ათი ნაბეჭდი ფურცლისა—ერთ წელს;

გ) ისეთი ლიტერატურული ნაწარმოებისათვის, რომლებზედაც ამა მუხლის „ა“ და „ბ“ პუნქტი არა ვრცელდება—ორ წელს.

ეს ვადები გამოიანგარიშება ხელშეკრულების დადების ან ხელნაწერის მიღების დღიდან, უკეთეს ხელნაწერი უფრო გვიან იყო მიღებული, ან ხელნაწერის

მიღებისათვის დადგენილი ვადის გასვლის დღიდან, უკეთუ ხელნაწერი მიღებულ იქნა შეპირებული ვადის გადაცილებით.

26. უკეთუ ნაწარმოები არ გამოიცა ხელშეკრულებით ან კანონით გათვალისწინებულ ვადაზე, გამომცემლობა ვალდებულია დაუყოვნებლივ გადაუხადოს ავტორს ხელშეკრულებით შეპირებული მთელი ჰონორარი იმ ხელნაწერის მოცულობის მიხედვით, რაც გამომცემლობის მიერ დასაბეჭდათ მოწონებულია.

25 მუხლში აღნიშნული ვადის გასვლის შემდეგ გამომცემლობას ეძლევა შეღავათიანი ვადა, რომელიც უდრის ხსენებული მუხლით გათვალისწინებული თვითეული ვადის ნახევარს. აღნიშნული შეღავათიანი ვადის გასვლის შემდეგ, ხელშეკრულება, უკეთუ ნაწარმოები გამოშვებულ არ იქნა, მოისპობა ავტორის ცალმხრივი განცხადებით და მას დაუყოვნებლივ დაებრუნება თავისი ხელნაწერი.

27. ამა დებულების 22, 26 და 41 მუხლში აღნიშნული წესები ვრცელდება ისეთ საგამომცემლო ხელშეკრულებაზედაც, რომლის საგანიც არის მუსიკალური და მუსიკალურ-დრამატიული ნაწარმოები, სახვითი ხელოვნებისა და ფოტოგრაფიის ნაწარმოები და აგრეთვე ფოტოგრაფიისებური საშუალებით დამზადებული ნაწარმოები.

28. საგამომცემლო ხელშეკრულება ლიტერატურული (მათ შორის სამეცნიერო და პუბლიცისტური), მუსიკალური და მუსიკალურ-დრამატიული ნაწარმოების შესახებ დაიდება ტიპური ხელშეკრულების მიხედვით, რომელსაც დამატაციებს საქართველოს სსრ განათლების სახალხო კომისარიატი ვაჭრობის სახალხო კომისარიატის რწმუნებულის (საქართველოში) სამმართველოსთან და საქართველოს პროფკავშირთა საბჭოსთან შეთანხმებით.

საგამომცემლო ხელშეკრულება შეიძლება შეიცავდეს ისეთ პირობას, რაც არ არის გათვალისწინებული ტიპური ხელშეკრულებით ან რაც მას არ მიუდგება; ხოლო ისეთი პირობა და აღნიშვნა, რაც მიმართული იქნება ავტორის მდგომარეობის გაუარესებისაკენ ტიპური ხელშეკრულების პირობებთან შედარებით, ძალმოკლებულად ჩაითვლება; ასეთ შემთხვევაში საგამომცემლო ხელშეკრულებით დადგენილი მხარეთა უფლება-მოვალეობანი განისაზღვრება ტიპური ხელშეკრულების სათანადო მუხლების მიხედვით.

29. გამოუცემელი დრამატიული, მუსიკალურ-დრამატიული, მუსიკალური, საპანტამიმო, ხორეოგრაფიული ან კინომატოგრაფიული ნაწარმოების დადგმაზე და საჯაროდ შესრულებაზე საავტორო უფლების გასხვისება შეიძლება მხოლოდ დადგმის ხელშეკრულებით.

დადგმის ხელშეკრულებად ჩაითვლება ისეთი ხელშეკრულება, რომლის ძალითაც ავტორი უთმობს დამდგმელს (სანახაობათა საწარმოს) უფლებას თავისი ნაწარმოების საჯაროდ შესრულებაზე, ხოლო დამდგმელი კისრულობს განახორციელოს ამ ნაწარმოების დადგმა (მისი საჯაროდ შესრულება) განსაზღვრულ ვადაზე.

დადგმის ხელშეკრულების დადგმა შეიძლება ისეთ ნაწარმოებზედაც, რომელიც ხელშეკრულების დადგმის დღეს ობიექტიური ფორმით ჯერ კიდევ ჩამოყალიბებული არ არის.

შენიშვნა. ავტორის მიერ სანახაობათა საწარმოსათვის გამოუცემელი ნაწარმოების დადგმის განსაკუთრებული უფლების გადაცემა, არ ართმევს ავტორს უფლებას—იგივე ნაწარმოები გადასცეს დასადგმელად მუშათა და წითელარმიელთა კლუბებს.

30. დადგმის ხელშეკრულებაში სისწორით უნდა აღინიშნოს გასხვისებული უფლების გამოყენების ხასიათი, ფარგლები და პირობები, კერძოდ: ამ უფლების გამოყენების ტერიტორიის ფარგლები, ხელშეკრულების ვადა, პირველი საჯარო შესრულების მოწყობის ვადა, ავტორის გასამრჯელოს რაოდენობა და ის გარემოება, თუ რამდენჯერ უნდა იქნეს ნაწარმოები საჯაროდ შესრულებული.

31. დადგმის ხელშეკრულება შეიძლება დაიდოს ვადით არა უმეტეს სამი წლისა; ეს ვადა გამოიანგარიშება იმ დღიდან, რა დღესაც ნაწარმოები, ხელშეკრულების მიხედვით, პირველად იქნება საჯაროდ შესრულებული.

32. სანახაობათა საწარმო ვალდებულია მოაწყოს ნაწარმოების დადგმა არა უგვიანეს ქვემოჩამოთვლილი ვადების გასვლისა, რომელი ვადებიც გამოიანგარიშება იმ დღიდან, რა დღესაც ავტორი, აღნიშნულ საწარმოს ჩააბარებს ნაწარმოების ხელნაწერს საბოლოო, დასადგმელად ვარგისი ფორმით, სახელდობრ:

არა უგვიანეს ორი წლისა—მუსიკალურ-დრამატიული (ოპერა, ოპერეტი) და ხორეოგრაფიული ნაწარმოებისათვის, აგრეთვე შეძენილი კინოსცენარით დამზადებული კინომატოგრაფიული ნაწარმოებისათვის და არა უგვიანეს ერთი წლისა—ყველა სხვა ნაწარმოებისათვის.

33. დადგმის ერთი ხელშეკრულებით არ შეიძლება ნაწარმოები 150-ზე მეტჯერ იყოს საჯაროდ შესრულებული. დადგმის ხელშეკრულების დადება გამოუცემელი ნაწარმოების ავტორის მიერ სანახაობათა ერთ რომელსამე საწარმოსთან, არ ართმევს მას უფლებას დასდგას ხელშეკრულება იმავე ნაწარმოების დადგმის შესახებ სანახაობათა სხვა საწარმოსთან, უკეთუ ამ ნაწარმოების დადგმა წინათ დადებული ხელშეკრულებით გათვალისწინებული ტერიტორიის ფარგლებს გარეთ განხორციელდებოდეს.

შენიშვნა. ნაწარმოების შესრულებათა ამა მუხლით დაწესებულ საზღვრითი რაოდენობაში არ ჩაითვლება საჯარო გენერალური რეპეტიცია და ეგრედწოდებული, საზოგადოებრივი ჩვენება, რაც დამსწრეთათვის ფასის გადაუხდევიანებლად სწარმოებს.

34. სანახაობათა საწარმოს უფლება აქვს მოაწყოს ნაწარმოების საჯაროდ შესრულება იმ რაოდენობაზე ნაკლები რიცხვით, რაც ხელშეკრულებით გათვალისწინებულია და აგრეთვე სრულებით მოსხნას იგი რეპერტუარიდან, ხოლო იგი ვალდებულია დაიცვას საავტორო ჰონორარის გადახდის წესი (მუხ. 37).

35. ამა დებულების 29 მუხლის წესების გამოხაჯისად, სცენარის შემძენი ვალდებული არ არის დასდგას სურათი, უკეთუ ხელშეკრულებით სხვა რამ არ არის გათვალისწინებული.

ამა დებულების 30 მუხლის წესები ხელშეკრულებაში საჯარო შესრულებათა რიცხვის აღნიშვნის შესახებ და აგრეთვე 31, 32 და 33 მუხლით დაწესებული შეზღუდვა არ გავრცელდება კინემატოგრაფიული ნაწარმოების დადგმის ხელშეკრულებაზე.



36. დადგმის ხელშეკრულებით გათვალისწინებული საავტორო ჰონორარი ნაწარმოების საჯაროდ შესრულებისათვის არ შეიძლება საავტორო ჰონორარის იმ ნორმაზე ნაკლები იყოს, რაც განსაზღვრულია გამოცემულ ნაწარმოებათა საჯაროდ შესრულებისათვის დადგენილი განაკვეთით (მუხ. 9).

37. უკეთეს ნაწარმოები არ იქნა დადგმული და საჯაროდ შესრულებული დადგმის ხელშეკრულებით შეპირებულ ან კანონით დაწესებულ ვადაზე, ხელშეკრულება მოიშლება ავტორის განცხადებით და სანახაობათა საწარმო ვალდებულია ავტორის სრულიად გადაუხადოს ხელშეკრულებით შეპირებული ჰონორარი.

შენიშვნა. იმ შემთხვევაში, როდესაც ხელშეკრულებით გათვალისწინებულია საავტორო ჰონორარის გადახდა თვითივლ სპეკტაკლისათვის ცალკე და შეპირებული არ არის ამ ჰონორარის გარანტირებული მინიმუმი, — ავტორის გასამრჯელო განსაზღვრება თანახმად იმ ინსტრუქციისა, რასაც ამ საგანზე ცალკე გამოსცემს საქართველოს სსრ განათლების სახალხო კომისარიატი საქართველოს სსრ ფინანსთა სახალხო კომისარიატთან შეთანხმებით.

შენიშვნა 2. უკეთეს დადგმა კინემოტოგრაფიული ნაწარმოებისა შეძენილი კინო-სცენარი ხელშეკრულებაში გათვალისწინებულ ვადაზე არ დაიწყება — ავტორს ამ მიზეზით ხელშეკრულებით მოშლის დროს უფლება აქვს მიიღოს მხოლოდ ხელშეკრულებით შეპირებული ერთდროული გასამრჯელო.

38. უკეთეს დრამატიული ან სხვა ლიტერატურული ნაწარმოების ავტორი უფლებას მისცემს კინო-წარმოების საწარმოს — მისი ნაწარმოები კინო-სცენარად გადააკეთოს, ასეთი ლიტერატურული (დრამატიული) ნაწარმოების გამოყენების უფლება არ შეიძლება საწარმოს სამ წელზე მეტი ხნით მიეცეს.

აღნიშნული გადაკეთების დროს კინო-წარმოების საწარმოს არა აქვს უფლება ავტორის ნებადაურთველად რაიმე არსებითი გადახრა და ცვლილება შეიტანოს გამოსაყენებელი ნაწარმოების ფაბულაში.

39. ისეთი კინო-სცენარის ავტორს, რომლის დადგმაც ხელშეკრულებით დაეთმო კინო-წარმოების საწარმოს, უფლება აქვს გადააკეთოს ეს სცენარი სხვა კინემატოგრაფიული ნაწარმოების დასადგმელად. ხოლო ავტორს არა აქვს უფლება გამოსცეს გადაკეთებული სცენარი მანამდე, ვიდრე გამოშვებულ იქნებოდეს დათმობილი კინო-სცენარით დადგმული კინო-ლენტი ან გაივლიდეს ხელშეკრულებით გათვალისწინებული ვადა ამ ავტო-ლენტის გამოშვებისა.

40. 29-30 მუხლებში აღნიშნული წესების დაცვა უკვე გამოცემული ნაწარმოების დადგმის დროს სავალდებულოა მხოლოდ იმ შემთხვევაში, როდესაც ეს ხელშეკრულებით არის გათვალისწინებული.

გამოუცემელი ნაწარმოები შეიძლება შესრულებულ იქნეს კულტურულ-განმანათლებელ დაწესებულებაში (10 მუხ. „ი“ პ.) მხოლოდ იმ შემთხვევაში, უკეთეს საამისოდ დადებულ იქნება დადგმის ხელშეკრულება.

41. საგამომცემლო ან დადგმის ხელშეკრულებით შეძენილი უფლება-მოვალეობის სხვა საწარმოს თუ პირისათვის დათმობა შეიძლება მხოლოდ ავტო-

რის, ხოლო უკეთეს ავტორი გარდაიცვალა, — მისი მემკვიდრის — წერილობითი თანხმობით.

42. გამომცემელს თუ დამდგმელს უფლება აქვს ავტორის სიცოცხლეში, თავისი შეხედულებით, ავტორის თანხმობის გარეშე, შეიტანოს რაიმე დამატება, შემოკლება ან ცვლილება, როგორც თვით ნაწარმოებში, ისე მის სათაურში, ან და შესცვალოს ნაწარმოებზე ავტორის სახელის აღნიშვნა. გამომცემელს არა აქვს აგრეთვე უფლება ავტორის სიცოცხლეში, მისი თანხმობის გარეშე, დაურთოს ნაწარმოებს ილუსტრაციები.

43. ავტორის სიკვდილის შემდეგ და საავტორო უფლების მოქმედების ვადის გასვლამდე გამომცემელს თუ დამდგმელს უფლება არ აქვს ავტორის მემკვიდრეთა თანხმობის გარეშე, შეიტანოს რაიმე დამატება, შემოკლება ან ცვლილება თვით ნაწარმოებში, მის სათაურში, ან ავტორის სახელის აღნიშვნაში და აგრეთვე დაურთოს ნაწარმოებს ილუსტრაციები.

უკეთეს აღნიშნული საკითხების გამო ავტორის მემკვიდრეების თანხმობა არ არის, სათანადო ნებართვა გამომცემლის თუ დამდგმელის მიერ შეიძლება გამოთხოვილ იქნეს საქართველოს სსრ, აფხაზეთის სსრ, აჭარისტანის ავტ. სსრ და სამხრეთ-ოსეთის ავტ. ოლქის განათლების სახალხო კომისარიატებისაგან — კუთვნილებისამებრ.

44. საავტორო უფლების მოქმედების ვადის გასვლის შემდეგ ამა დებულებას 42 და 43 მუხლით გათვალისწინებული ცვლილებანი შეიძლება შეტანილ იქნეს გამომცემლის თუ დამდგმელის მიერ საქართველოს სსრ, აფხაზეთის სსრ, აჭარისტანის ავტონომიური სსრ და სამხრეთ-ოსეთის ავტ. ოლქის განათლების სახალხო კომისარიატების ნებართვით, კუთვნილებისამებრ.

45. საავტორო უფლების დარღვევა გამოიწვევს დამნაშავესათვის პასუხისმგებლობას სისხლის სამართლის წესით საქართველოს სსრ სისხლის სამ. კოდექსის 196 მუხლისამებრ და აგრეთვე ვალდებულებას, რათა ანაზღაურებულ იქნეს მიყენებული ქონებრივი ზიანი საქართველოს სსრ სამოქალაქო სამართლის კოდექსით (მუხ. 403) დადგენილი წესების თანახმად.

ხოლო ავტორის უფლება აქვს მიყენებული ზარალის ანაზღაურების ნაცვლად, მოთხოვოს მისი უფლების დამრღვევს საავტორო ჰონორარის გადახდა ამა დებულების მე-9 მუხლის წესით განსაზღვრული განაკვეთის მიხედვით. კერძოდ, ეს უფლება ავტორს ეკუთვნის იმ შემთხვევაშიაც; როდესაც საავტორო უფლების დარღვევით მიყენებული ზარალის რაოდენობა არ შეიძლება დამტკიცებულ იქნეს.

46. საავტორო უფლება დაცულ უნდა იქნეს დარღვევისაგან იმ შემთხვევაშიაც, როდესაც დარღვევას ავტორისათვის რაიმე განსაზღვრული ქონებრივი ზიანი არ მიუყენებია.

ზარალის ანაზღაურების გარდა ავტორს უფლება აქვს მოთხოვოს დამრღვევს ისეთი მოქმედების შესრულება, რაც აუცილებელია მისი დარღვეული კანონიერი ინტერესების აღსადგენად.

47. საავტორო უფლება ყოველ ნაწარმოებზე, რაც პირველად გამოიცა საქართველოს სსრ ტერიტორიაზე ან რაც ამ ტერიტორიაზე არის ხელნაწერის და ისკიზის სახით ან სხვა რაიმე ობიექტური ფორმით, შეიძლება გამოსყიდულ

იქნეს იძულებითი წესით სსრ კავშირის მთავრობისა ა/კ. სუსრ მთავრობისა ან საქართველოს სსრ მთავრობის მიერ.

ასეთ შემთხვევაში ავტორის ან მისი უფლების მენაცვლეთათვის მისაცემი გასამრჯელო განისაზღვრება ზემოაღნიშნულ მთავრობათა შორის იმ მთავრობის დადგენილებით, რომლის განკარგულებითაც საავტორო უფლების გამოსყიდვა უნდა მოხდეს.

201. დ ა დ გ ე ნ ი ლ ე ბ ა ც.ა.ა. და ს.ა.ს.

სამაზრო სასამართლოების გაუქმებისა და სისხლის სამართლისა და სამოქალაქო სამართლის საქმეების ქვემდებარეობის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისარიატა საბჭო ადგენენ:

1. გაუქმებულ იქნეს 1929 წლ. ოქტომბრის 1-დან ტფილისის და ქუთაისის სამაზრო-საქალაქო სასამართლოები, აგრეთვე გორისა და კახეთის სამაზრო სასამართლოები.

2. ვიდრე სისხლის სამართლის საპროცესო და სამოქალაქო სამართლის საპროცესო კოდექსების სათანადო მუხლები შეიცვლებოდეს, დაწესებულ იქნეს, სამაზრო სასამართლოების გაუქმებისთანავე, სისხლის სამართლისა და სამოქალაქო სამართლის საქმეებისათვის შემდეგი ქვემდებარეობა:

ა. სისხლის სამართლის საქმეებიდან უზენაეს სასამართლოს ექვემდებარება:
 ა) სისხ. სამ. კოდ. 58²—58¹⁴, 58¹⁶, 58¹⁷—58²¹, 58²², 58²⁴—58²⁷, 78 მუხლის მე-2 ნაწ., 118 მუხლის 1-ლი ნაწ., 120, 138 მუხ. და 181 მუხლის მე-3 ნაწ. გათვალისწინებულ დანაშაულთა საქმეები;

ბ) სრულიად საქართველოს ცენტრალური აღმასრულებელი კომიტეტის წევრებისა, სახალხო კომისარებისა, მათთან მდგომარეობით გათანასწორებული პირებისა და მათივე მოადგილეებისა, რესპუბლიკის პროკურორისა და მისი თანაშემწეებისა, სახალხო კომისარიატთა კოლეგიის წევრებისა, უზენაეს სასამართლოს წევრებისა, საოლქო (სამაზრო) აღმასრულებელი კომიტეტების თავმჯდომარეებისა და წევრებისა და საოლქო (სამაზრო) პროკურორების მიერ ჩადენილი თანამდებობრივი დანაშაულის საქმეები და

გ) ის საქმეები, რაც საქართველოს ცენტრალური აღმასრულებელი კომიტეტის პრეზიდიუმისა, უზენაეს სასამართლოს პლენუმის ან რესპუბლიკის პროკურორის დადგენილებით გადაეცემა უზენაეს სასამართლოს.

სისხ. სამ. კოდ. 139, 140 და 141 მუხ. გათვალისწინებულ დანაშაულთა საქმეები განიხილება შრომის საქმეთა სახალხო სასამართლოს განსაკუთრებული სესიის მიერ, ხოლო იქ, სადაც ასეთი სესია მოწყობილი არ არის,—სახალხო სასამართლოს მიერ.

ყველა დანარჩენი საქმე ექვემდებარება სახალხო სასამართლოს და, ვიდრე ახალი სისხლის სამართლის საპროცესო კოდექსი შემოიღებოდეს, განიხილება ამ

სასამართლოში იმ წესით, რაც მომქმედი სისხლის სამართლის საპროცესო კოდექსით დადგენილია სახალხო სასამართლოებისათვის.

ბ. სამოქალაქო სამართლის საქმეებიდან უზენაეს სასამართლოს ექვემდებარება საქმე:

ა) იმ სარჩელის გამო, რომლის ფასიც 10.000 მანეთს აღემატება, გარდა საალიმენტო სარჩელისა, საცხოვრებელი სადგომების დაქირავების ხელშეკრულებიდან გამომდინარე სარჩელისა, ისეთი სარჩელისა, რაც ემყარება სახელმწიფო სანოტარო დებულების 46 მუხლში ჩამოთვლილ დოკუმენტებს, აგრეთვე სარჩელისა დაშვებით ან სიკვდილით მიყენებული ზიანის ანაზღაურების შესახებ; ყველა ეს სარჩელი, იმის მიუხედავად, თუ რა ფასისაა იგი და ვის წინააღმდეგ არის აღძრული, ექვემდებარება სახალხო სასამართლოს;

ბ) ისეთი სარჩელის გამო, რომელიც აღძრულია სახელმწიფო ორგანოს ან თანამდებობის პირის წინააღმდეგ იმ ზარალის ანაზღაურების შესახებ, რაც მიყენებულ იქნა თანამდებობის პირის უკანონო ან არასწორე სამსახურებრივი მოქმედებით, აგრეთვე არასისწორით ჩამორთმეული და გასხვისებული ქონების დაბრუნების შესახებ;

გ) ისეთი სარჩელის გამო, რაც აღძრულია სახალხო კომისარიატის ან მისი თანაბარი ცენტრალური დაწესებულების წინააღმდეგ, საოლქო ან სამაზრო აღმასრულებელი კომიტეტის და საოლქო ან სამაზრო ქალაქის საქალაქო საბჭოს წინააღმდეგ;

დ) ამხანაგობის ხელშეკრულებიდან გამომდინარე სარჩელის გამო, გარდა ისეთი სარჩელისა, რომლის ფასიც 10.000 მანეთს არ აღემატება და რომელიც გამომდინარეობს მარტივი ამხანაგობის ხელშეკრულებიდან ან შეზღუდული პასუხისმგებლობის ამხანაგობის ხელშეკრულებიდან; საავტორო უფლებიდან გამომდინარე სარჩელის გამო, გარდა ისეთი სარჩელისა, რომლის ფასიც 10.000 მანეთს არ აღემატება და შეეხება ავტორის საზღაურს მისი ნაწარმოების საჯაროდ შესრულებისათვის და, ბოლოს, ისეთი სარჩელის გამო რაც გამომდინარეობს სამრეწველო გამონაგონის უფლებიდან, სასაქონლო და საფაბრიკო ნიშანის უფლებიდან, მოდელისა და ფირმის უფლებიდან;

ე) საქმე სამხედრო სამსახურიდან, რელიგიური რწმენის გამო, განთავისუფლების შესახებ;

ვ) საქმე ნოტარიუსის, ან ნოტარიუსის მოვალეობის აღმასრულებელი სახალხო მოსამართლის მოქმედებაზე აღძრული საჩივრის გამო;

გ) საქმე კოოპერატიული ორგანიზაციების არაშემძლეობის შესახებ, გარდა პირველადი კოოპერატიული ორგანიზაციებისა, უკეთეს ეს უკანასკნელნი დამოუკიდებელი წევრის სახით არ შედიან ამიერკავკასიის სამომხმარებლო კოოპერაციის კავშირში.

ყველა სხვა საქმე, რაც აღძვრის უფლებრივი ურთიერთობის სფეროში, ექვემდებარება სახალხო სასამართლოს და განიხილება მის მიერ სამოქალაქო სამართლის საპროცესო კოდექსით სახალხო სასამართლოებისათვის დადგენილი წესით.

შენიშვნა. ამა მუხლის „გ“ პუნქტში აღნიშნული სარჩელი ექვემდებარება უზენაეს სასამართლოს იმ შემთხვევაში, უკეთუ იგი აღძრულია ამ პუნქტში ჩამო თვლილ ორგანოების წინააღმდეგ და არა მათი განყოფილებებისა, ნაწილებისა, ან დამოუკიდებელი დაწესებულებების წინააღმდეგ.

3. უზენაეს სასამართლოს პრეზიდიუმს და რესპუბლიკის პროკურორს უფლება აქვთ გადასცენ სახალხო სასამართლოს: ა) ამა დადგენილების მე-2 მუხ. ლიტ. ა-ის „ა„ პუნქტში აღნიშნულ საქმეთა შორის ყოველი სისხლის სამართლის საქმე ან საქმეთა კატეგორია, უკეთუ ეს საქმეები რთული არ არის ან უკეთუ მათ საზოგადოებრივი მნიშვნელობა არა აქვთ, იმ დანაშაულთა საქმეების გამოკლებით, რაც გათვალისწინებულია სისხ. სამ. კოდექსის 58²—58¹⁴ მუხ., 58¹⁶ მუხ. 1-ლ ნაწ., 58¹⁷, 58¹⁷ა, 58¹⁷ბ, 58²¹ და 58²² მუხლებში; ბ) ყოველი სამოქალაქო სამართლის საქმე ან სამოქალაქო სამართლის საქმეთა კატეგორია იმ საქმეთა შორის, რაც, ამა დადგენილების იმავე მე-2 მუხ. ბ ლიტ. „ა“ პუნქტის თანახმად, ექვემდებარება უზენაეს სასამართლოს.

უზენაესი სასამართლოს პრეზიდიუმს უფლება აქვს აგრეთვე ჩამოართვას სახალხო სასამართლოს და გადასცენ განსახილველად უზენაეს სასამართლოს სისხლის სამართლისა და სამოქალაქო სამართლის ყოველი საქმე, რაც სახალხო სასამართლოს ექვემდებარება.

4. სამაზრო სასამართლოებში საქმეების დანიშნა განსახილველად შეიძლება მხოლოდ 1929 წ. სექტემბრის 20-მდე, ხოლო 1929 წ. სექტემბრის 20-ის შემდეგ სამაზრო სასამართლოები უნდა შეუდგნენ საქმეების გადაცემას სათანადო სამართლოებში ამა დადგენილებით დაწესებული ქვემდებარეობისამებრ.

5. წინადადება მიეცეს იუსტიციის სახ. კომისარიატს: ა) გამოსცეს ერთი კვირის ვადაზე დაწვრილებითი ინსტრუქცია ამა დადგენილების განხორციელების წესის შესახებ;

ბ) შეიმუშაოს და წარადგინოს ორი კვირის ვადაზე საკანონმდებლო ორგანოებში კანონპროექტები იმ ცვლილებათა შესახებ, რაც ამა დადგენილების მიხედვით შეტანილ უნდა იქნეს სასამართლოს წყობილების დებულებაში და სისხლის სამართლისა და სამოქალაქო სამართლის საპროცესო კოდექსებში.

სრულიად საქართველოს ცენტრალური აღმას-
რულებელი კომიტეტის თავმჯდომარის **მაგ. თ. უღენტი.**

საქართველოს სსრ სახალხო კომისართა საბჭოს
თავმჯდომარის მოადგილე **გ. მგალობლიშვილი.**

სრულიად საქართველოს ცენტრალური აღმას-
რულებელი კომიტეტის მდივანის **მაგ. დ. ქუჩულორია.**

1929 წ. აგვისტოს 30.

ტფილისი-სასახლე.



202. დადგენილებათა ც.ა.კ. და ს.ა.ს.

საქართველოს სსრ-ის ქალაქებსა და ქალაქის ტიპის დასახლებულ ადგილებში საცხოვრებელი სადგომების ქირის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I.

1. ბინის ქირას საქართველოს სსრ ქალაქებსა და ქალაქის ტიპის დასახლებულ ადგილებში აწესებენ საქალაქო საბჭოები, ხოლო იმ ადგილებში, სადაც საქალაქო საბჭოები მოწყობილი არ არის, —სათანადო ადგილობრივი აღმასრულებელი კომიტეტები ამა დადგენილების შემდეგ მუხლებში აღნიშნულ საფუძვლებზე.

2. ყველა ის პირი, ვისაც საცხოვრებელი სადგომი უჭირავს ისეთ ნაციონალიზებულ და მუნიციპალიზებულ სახლში, რომლის ექსპლოატაციასაც ეწევა როგორც თვით უწყება და ადგილობრივი საბჭო უშუალოდ, ისე საბინაო-საიჯარო კოოპერატიული ამხანაგობა ან კერძო ფიზიკური და იურიდიული პირი იჯარის საფუძველზე, აგრეთვე —კერძო მფლობელობის სახლში—მოვალეა გადაუხადოს სახლის სამოურაოს ბინის ქირა გამოყენებული საცხოვრებლად ვარგისი სივრცისათვის სათანადო საქალაქო საბჭოს ან ადგილობრივი აღმასრულებელი კომიტეტის დადგენილებით (მუხ. 1) განსაზღვრული ტარიფის თანახმად.

შენიშვნა 1. ამა დადგენილების მოქმედება არა ვრცელდება იმ სადგომზე, რაც უჭირავს სასეზონოდ საკურორტო და სააგარაკო ადგილას მისულ პირს, სასტუმროზე და გასაქირავებელ მებელიან ოთახებზე—აგრეთვე აღნაგობის უფლების ხელშეკრულების თანახმად ახლად აშენებულ, აღდგენილ ან დამთავრებულ სახლზე.

შენიშვნა 2. ბინის ქირა, სათანადო საქალაქო საბჭოს თუ სათემო საბჭოს ნებართვით, საცხოვრებლად დაქერილი დარაბისათვის გადახდილ უნდა იქნეს ამა დადგენილებაში აღნიშნული წესების მიხედვით.

3. ბინის ქირა გამოიანგარიშება მხოლოდ საცხოვრებლად ვარგისი სივრცის მიხედვით. ტალანი, წინა მისაველი ოთახი, აბაზანა, სამზარეულო, საპირფარეო, გალერეა, საკუქნაო, სარდაფი და სხვა სამომსახურეო ადგილი იმ საცხოვრებლად ვარგისი სივრცეში არ შედის, რისთვისაც ქირა უნდა იქნეს გადახდილი.

4. ბინის ქირა გამოიანგარიშება საცხოვრებლად ვარგისი სივრცის თვითულ კვადრატულ მეტრზე თვითურად.

5. მუშა-მოსამსახურეთა ბინის ქირის განსაზღვრისათვის, მათი სამუშაო ხელფასის რაოდენობის მიხედვით დაწესებულია გადამხდელთა შემდეგი კატეგორიები.



ვინც	სამუშაო	ხელფასს	იღებს	არა	უმეტეს	20	მანეთისა.
"	"	"	"	"	"	21	მან.-დან 30 მან.-მდე.
"	"	"	"	"	"	31	" 40 "
"	"	"	"	"	"	41	" 50 "
"	"	"	"	"	"	51	" 60 "
"	"	"	"	"	"	61	" 70 "
"	"	"	"	"	"	71	" 80 "
"	"	"	"	"	"	81	" 90 "
"	"	"	"	"	"	91	" 100 "
"	"	"	"	"	"	101	" 110 "
"	"	"	"	"	"	111	" 124 "
"	"	"	"	"	"	125	" 145 "
"	"	"	"	"	"	146	" და მეტს.

შენიშვნა. სამუშაო ხელფასის გამოანგარიშების დროს კაპიკები სა-
თვალავში არ მიიღება.

ამა დადგენილების მე-5 მუხლში აღნიშნული გადახდელთა ავითეული კა-
ტეგორიისათვის ბინის ქირის განაკვეთი განსაზღვრულ უნდა იქნეს შემდეგ სა-
ფუძვლებზე.

ა) იმ მუშა-მოსამსახურესათვის, რომელსაც თვეში აქვს სამუშაო ხელფასი
126 მანეთიდან 145 მანეთამდე (ამიანად), ძირითადი განაკვეთი ერთეულზე, ე.ი.
საცხოვრებლად ვარჯისი სივრცის ერთ კვადრატულ მეტრზე, დაწესდება თვეში
(საბინაო ნიხრი):

ქალ. ტფილისში	40 კაპ.
ქ. ქ. ბათომსა და სოხუმში	38 კაპ.
ქ. ქ. ქუთაისსა და ფოთში	36 კაპ.

დანარჩენი ქალაქებისათვის და ქალაქის ტიპის დასახლებული ადგილები-
სათვის ბინის ნიხრს დააწესებენ 1-ლ მუხლში აღნიშნული ორგანოები; ამასთა-
ნავე ძირითადი განაკვეთი 1 კვად. მეტრზე არ შეიძლება იყოს 26 კაპ. ნაკლები;

ბ) იმ მუშა-მოსამსახურისათვის, რომელიც თვეში იღებს 20 მანეთამდე
(ამიანად), ბინის ქირის განაკვეთი საცხოვრებელი სივრცის 1 კვად. მეტრზე გა-
ნისაზღვრება 5,5 კაპ. ყველა ქალაქში;

გ) იმ მუშა-მოსამსახურისათვის, რომელსაც თვეში აქვს სამუშაო ხელფასი
21 მანეთიდან 30 მანეთამდე (ამიანად), ბინის ქირის განაკვეთი საცხოვრებელი
სივრცის 1 კვად. მეტრზე დაწესდება ტფილისში-10 კაპ. ხოლო სხვა ქალაქებში
და ქალაქის ტიპის დასახლებულ ადგილებში—8 კაპ..

დ) იმ მუშა-მოსამსახურისათვის, რომელსაც თვეში აქვს სამუშაო ხელფასი
31 მანეთიდან 125 მანეთამდე, დაწესდება საბინაო ქირის ძირითადი განაკვეთის
(მე-6 მუხ. „ა“ ლიტ.) მონაკლები სამუშაო ხელფასის რაოდენობის მიხედვით,
იმ ანგარიშით, რომ მონაკლების რაოდენობა დიდდებოდეს სამუშაო ხელფასის
რაოდენობის შემცირების კვალობაზე;

ე) იმ მუშა-მოსამსახურისათვის, რომელიც თვეში სამუშაო ხელფასს იღებს
დაწყებული 145 მანეთიდან და მეტს, ბინის ქირის განაკვეთი თანდათან დიდ-

დება იმ ანგარიშით, რომ როდესაც სამუშაო ხელფასი 275 მან. უდრის თვითურად—ბინის ქირის განაკვეთი თვითიულ კვადრ. მეტრზე არ აღემატებოდეს 69 კაპ. ყველა ქალაქსა და ქალაქის ტიპის დასახლებულ ადგილას; როდესაც სამუშაო ხელფასი 275 მან. აღემატება—ბინის ქირის განაკვეთი თვითიულ 25 მანეთზე მეშა-მოსამსახურისათვის დიდდება 5,5 კაპიკით საცხოვრებელი სივრცის კვადრატულ მეტრზე, ხოლო იგი არ უნდა აღემატებოდეს თვეში 1 მან. და 32 კაპ. 1 კვადრ. მეტრზე.

7. მარტოხელა მუშას (დღიურად მომუშავე, ბინაზე მომუშავე, მუსიკოსი, კერძო მასწავლებელი და სხვ.), რომელსაც მუდმივი სამუშაო საშოვარი არა აქვს, ბინის ქირა გადაჰხდება შემდეგი რაოდენობით:

ა) მას, ვინც პროფესიონალური კავშირის წევრია, სათანადო მუშა-მოსამსახურების ტარიფით და იმ სამუშაო საშოვარის მიხედვით, რაც დადასტურებულ იქნება პროფესიონალური ორგანიზაციის მიერ;

ბ) მას, ვინც პროფესიონალური კავშირის წევრი არ არის,—სახლის სამოურაოსთან შეთანხმებით, ხოლო არა ნაკლებ 22 კაპიკისა და არა უმეტეს 54 კაპ. 1 კვად. მეტრზე თვითურად ტფილისში და არა ნაკლებ 20 კაპ. და არა უმეტეს 50 კაპ. 1 კვად. მეტრზე—სხვა ქალაქებში და ქალაქის ტიპის დასახლებულ ადგილას.

8. იმ პირისათვის, რომელიც იღებს პენსიას თუ დახმარებას სოციალური დაზღვევისა ან სოციალური უზრუნველყოფის წესით არა უმეტეს 20 მანეთისა თვეში, პროფესიონალური კავშირის უმუშევარი წევრისათვის ან იმისათვის, ვისაც უფლება აქვს დახმარება მიიღოს უმუშევრობის გამო, ნამდვილ სახმედრო სამსახურში გაწვეული წითელარმიელის ოჯახისათვის, რომელსაც დამოუკიდებელი შემოსავლის წყარო არა აქვს, და აგრეთვე სახელმწიფო სასწავლებლის მოსწავლისათვის, რომელიც იღებს სახელმწიფო სტიპენდიას ან განთავისუფლებულია სწავლის ფულისაგან,—ბინის ქირის განაკვეთი დაწესდება ამა დადგენილების მე-6 მუხლის „ბ“ პუნქტში გათვალისწინებული ტარიფით.

შენიშვნა 1. ის მოსწავლე, რომელიც სტიპენდიას არ იღებს, ან რომელიც განთავისუფლებული არ არის სწავლის ფულისაგან, არ იმყოფება სხვის რჩენაზე და ცალკე ცხოვრობს, ბინის ქირას გადაიხდის საცხოვრებლად ვარჯისი სივრცის 1 კვად. მეტრზე 1-ლ მუხლში აღნიშნული ორგანოების მიერ დადგენილი ტარიფის მიხედვით, ხოლო არა უმეტეს 20 კაპიკისა თვითურად 1 კვად. მეტრზე ტფილისში და არა უმეტეს 15 კაპიკისა—დანარჩენ ქალაქებსა და ქალაქის ტიპის დასახლებულ ადგილას.

უმაღლესი და საშუალო სასწავლებლის მოსწავლე, რომელიც სტიპენდიას იღებს სახელმწიფო დაწესებულებისაგან და საწარმოსაგან (კონტრაქტაციის წესით), ბინის ქირას გადაიხდის მუშა-მოსამსახურების თანაბრად თავისი სტიპენდიის რაოდენობის ანგარიშით.

სამსახურში მყოფი მოსწავლე ბინის ქირას გადაიხდის როგორც მუშა-მოსამსახურე, თავისი სამუშაო ხელფასის ანგარიშით, ხოლო სხვის რჩენაზე მყოფი მოსწავლე—მე-15 მუხლში აღნიშნული წესისამებრ.

შენიშვნა 2. ამა მუხლში აღნიშნული წითელარმიელის ოჯახი, 1-ლ მუხ. გათვალისწინებული ორგანოების დადგენილებით, შეიძლება განთავისუფლებულ იქნეს მის მიერ საბინაო-სასანიტარო ნორმის (მუხ. 20) ფარგალში დაჭერილი საცხოვრებლად ვარჯისი სივრცის სასყიდლისაგან.

9. სახელმწიფო პენსიონერისათვის და იმ პირისათვის, რომელიც სოციალურ უზრუნველყოფაზე ან სოციალურ დაზღვევაზეა და თვეში პენსიას ან დახმარებას 20 მან. მეტს იღებს,—ბინის ქირის განაკვეთი დაწესდება მინაღები დახამარებისა და პენსიის მიხედვით იმავე საფუძველზე, როგორც მუშა-მოსამსახურეებისათვის.

10. იმ შინამრეწველისა და ხელოსნისათვის, რომელსაც დაქირავებული მუშა არა ჰყავს, აგრეთვე იმისათვის, ვისაც მხოლოდ ერთი მუშა ჰყავს ან ორი შეგირდი, ბინის ქირის განაკვეთი დაწესდება მისი შემოსავლის მიხედვით, 22 კაპიკიდან 1 მან. და 10 კაპიკამდე 1 კვად. მეტრზე—ტფილისში და 6 ნ კაპიკამდე 1 კვად. მეტრზე—სხვა ქალაქებში და ქალაქის ტიპის დასახლებულ ადგილას.

11. იმ შინამრეწველისა და ხელოსნისათვის, რომელსაც ორი და მეტი დაქირავებული მუშა ჰყავს ან სამი და მეტი შეგირდი, ბინის ქირის განაკვეთი დაწესდება მისი შემოსავლის მიხედვით შემდეგი რაოდენობით: 88 კაპიკიდან 1 მან. 98 კაპიკამდე 1 კვად მეტრზე—ტფილისში და 1 მან. და 32 კაპიკამდე—სხვა ქალაქებში და ქალაქის ტიპის დასახლებულ ადგილას.

12. სარეწაო კოოპერატიული ამხანაგობისა (არტელის) და წესდებიანი შრომიანი არტელის წევრისათვის ბინის ქირა დაწესდება ამა დადგენილებების მე-10 მუხლში აღნიშნულ საფუძველზე.

შენიშვნა 1. სათანადო მალა მდგომ კოოპერატიულ შენაერთში შემავალი და სახელმწიფო დაწესებულებათა და საწარმოთა შეკვეთით მომუშავე არტელის წევრი, რომელიც თავისი მუშაობისათვის განსაზღვრულ გასამრჯელოს იღებს და არტელის მოგებაში მონაწილე არ არის, მის მიერ დაჭერილი საცხოვრებელი სადგომის სასყიდელს გადაიხდის მუშა-მოსამსახურეებისათვის დადგენილ საფუძველზე (მუხ. 5 და 6).

შენიშვნა 2. სარეწაო კოოპერაციის სისტემაში შემავალი წარმოებითი არტელის წევრი, რომელიც საერთო სახელოსნოში მუშაობს და თავისი მუშაობისათვის განსაზღვრულ გასამრჯელოს იღებს,—მის მიერ დაჭერილი სადგომის ქირას გადაიხდის მუშა-მოსამსახურეებისათვის დადგენილ საფუძველზე (მუხ. 5 და 6).

13. თავისუფალი პროფესიის პირისათვის ბინის ქირის განაკვეთი დაწესდება მისი შემოსავლის მიხედვით, რაც გამორკვეულ იქნა წინა წელში საშემოსავლო გადასახადის გასტუმრების დროს, ხოლო არა ნაკლებ საბინაო ნიხრისა (მუხ. 6, ლიტ. „ა“) და არა უმეტეს 1 მან. და 98 კაპიკისა საცხოვრებელი სივრცის 1 კვად. მეტრზე თვიურად—ტფილისში და არა უმეტეს 1 მან. და 32 კაპ. 1 კვად. მეტრზე—სხვა ქალაქებში და ქალაქის ტიპის დასახლებულ ადგილას.

შენიშვნა 1. უკეთუ თავისუფალი პროფესიის პირის შემოსავლის წყარო მხოლოდ დაქირავებით მუშაობაა, ან უკეთუ თავისუფალი პროფესიის პირს,

სახელმწიფო სამსახურის გარდა, აქვს გარეშე საშოვარი და მისი თვიური ერთობილი შემოსავალი სახელმწიფო სამსახურისა და გარეშე საშოვარისა წინა საგადასახადო წელს 400 მანეთს არ აღემატება,— იგი ბინის ქირას გადაიხდის იმ განაკვეთით და იმ საფუძველზე, რაც დადგენილია მუშა-მოსამსახურეებისათვის; ამასთანავე, ბინის ქირა გამოიანგარიშება იმ თანხის მიხედვით, რაც შესდგება ერთობილად— მიმდინარე თვეში (როცა ქირა უნდა იქნეს გადახდილი) მიღებული სამუშაო ხელფასისაგან და თავისუფალი პროფესიის იმ საშუალო თვიური შემოსავლისაგან, რაც გამოირკვევა წინა საგადასახადო წელს საშემოსავლო გადასახადით დაბეგვრისას.

შენიშვნა. 2. სამეცნიერო დარგში მომუშავეს, ლიტერატორს, სახვითი ხელოვნების დარგში მომუშავეს (მხატვარს) და კომპოზიტორს, რომელსაც აქვს თვიური სამუშაო საშოვარი ან შემოსავალი არა უმეტეს 400 მანეთისა, შეეფარდება ბინის ქირის სათანადო განაკვეთით, რაც დაწესებულია მუშა-მოსამსახურეებისათვის. როდესაც აღნიშნული შემოსავლის თანხა მეტია, ბინის ქირა გამოიანგარიშება ისე, როგორც თავისუფალი პროფესიის პირისათვის.

შენიშვნა 3. თავისუფალი პროფესიის ამა თუ იმ პირს, რომელიც ასრულებს საზოგადოებრივი ხასიათის სამუშაოს სახელმწიფო ორგანოს და საზოგადოებრივი ორგანიზაციის დავალებით, საქართველოს სსრ სახალხო კომისართა საბჭოს შეუძლიან, გამონაკლისის სახით, დაუწესოს საცხოვრებელი სადგომის სასყიდელი იმავე საფუძველზე, როგორც მუშა-მოსამსახურეებს.

14. ვაჭრისათვის და მოსახლეობის სხვა, არამშრომელთა კატეგორიის პირისათვის ბინის ქირის განაკვეთი დაწესდება, მისი შემოსავლის მიხედვით, 1 მან. და 98 კაპიკიდან საცხოვრებელი სივრცის 1 კვად. მეტრზე— ტფილისში და 1 მან. და 32 კაპიკიდან 1 კვად. მეტრზე— რესპუბლიკის სხვა ქალაქებში; ამასთანავე, ბინის ქირის მაქსიმუმი აღნიშნული კატეგორიისათვის 1 კვად. მეტრზე დაწესდება ტფილისში 4 მან. და 40 კაპ. რაოდენობით, ხოლო რესპუბლიკის სხვა ქალაქებში 2 მან. და 20 კაპ. რაოდენობით.

შენიშვნა 1. მოსახლეობის არამშრომელთა კატეგორიის ეკუთვნის: სავაჭრო და სამრეწველო საწარმოთა მფლობელები, თანამფლობელები და მეპაიენი, მოიჯარენი და მოანაბარენი და აგრეთვე ის პირნი, რომელნიც ეწევიან ვაჭრობას, ნარდად მუშაობას და გაყიდვა-მიწოდებას, საშუამავლო, სამაკლერო, საბირჟო და სხვა საამისო ოპერაციებს, ის პირნი, რომელნიც ცხოვრობენ ფულადი კაპიტალებისა, პროცენტისა და დივიდენდისა ქალაქების შემოსავლით, სახელმწიფო სესხის შემოსავლის გამოკლებით, და ყველა ის პირი, რომელიც იბეგრება საშემოსავლო გადასახადით მე-3 №-ის განაწესის თანმხმად, აგრეთვე რელიგიური კულტის მსახურნი.

შენიშვნა 2. ის მოვაჭრე, რომელიც საშემოსავლო გადასახადით არ იბეგრება, ბინის ქირის სფეროში ეთანაბრება შინამრეწველთა და ხელოსანთ (მუხ. 10).

შენიშვნა 3. მე-14 მუხლის ფარგლებში ბინის ქირის განაკვეთები განისაზღვრება წინა საგადასახადო წლის შემოსავლის მიხედვით, რაც გამოაკვეთილი იქნება საფინანსო ორგანოების მიერ საშემოსავლო გადასახადით დაბეგვრის დროს.

15. ამა დადგენილების მე-5, 7, 8, 9, 10, 11, 12 და 13 მუხლებში აღნიშნული პირის რჩენაზე მყოფი და მისგან ცალკე მცხოვრები პირი თავისი საცხოვრებელი სივრცისათვის სასყიდელს გადაიხდის იმ ტარიფით, რაც დაწესებულია მოსახლეობის სათანადო კატეგორიისათვის და იმ დახმარების მიხედვით რასაც იგი იღებს თავის მარჩენალისაგან.

ამა დადგენილების მე-14 მუხლში აღნიშნული პირის რჩენაზე მყოფი და მისგან ცალკე მცხოვრები პირი საცხოვრებელი სივრცის სასყიდელს გადაიხდის იმ პირისათვის დაწესებული განაკვეთის მიხედვით, ვის რჩენაზედაც იგი იმოყვება

16. მე-11, 13 და 14 მუხლებში აღნიშნული პირი, რომელიც საშემოსავლო გადასახადით პირველად იბეგრება, ვიდრე სათანადო საფინანსო ორგანო მის შემოსავალს გამოარაკვევდეს, საცხოვრებელი სივრცის სასყიდელს გადაიხდის სახლის სამოურაოსთან შეთანხმებით, ხოლო არა ნაკლებ და არა მეტეს იმ უკიდურესი განაკვეთისა, რაც განსაზღვრულია დამქირავებელთა სათანადო კატეგორიისათვის.

17. მუშა-მოსამსახურისათვის ბინის ქირის გამოანგარიშების დროს მხედველობაში მიიღება მთელი მისი სამუშაო ხელფასი გარდა ზედმეტი მუშაობისათვის მიღებული გასამრჯელოსი და აგრეთვე იმ პირთა სპეციალური დატვირთვის გასამრჯელოსი, რომელნიც შრომის სასყიდელს პასუხისმგებელ მომუშავეთა ტარიფით იღებენ.

შევიშვნა 1. ბინის ქირის გამოსანგარიშებლად ნაფარაუდევ სამუშაო ხელფასში შედის იმ ნაჭრობითი სამუშაოსათვის მიღებული საშოვარი, რაც შესრულებულ იქნა ნორმალური სამუშაო დღის განმავლობაში.

შენიშვნა 2. მუშათა და გლეხთა წითელი არმიის საშუალო, უფროს და უმაღლეს თავმდგომთა საკადრო შედგენილობის სამხედრო მსახური, აგრეთვე ვადაზვეითი სამსახურის სამერიცეო და უმცროს თავმდგომთა შედგენილობის სამხედრო მსახური, რომელიც ისეთ სახლში ცხოვრობს, სადაც ბინის ქირას ადგილობრივი საბჭოს მიერ დადგენილი განაკვეთებით ახდენენ, — ბინის ქირის გადახდევინების სფეროში გათანაბრებულ უნდა იქნეს მუშა-მოსამსახურებთან; ამასთანავე, ეს ქირა გამოინგარიშება აღნიშნული სამხედრო მსახურის ძირითადი ჯამაგირის მიხედვით.

შენიშვნა 3. მუშათა და გლეხთა წითელი არმიის თავმდგომთა საკადრო შედგენილობის პირს ბინის ქირა იმ ხნის განმავლობაში, რაც იგი საკარგობო თავმოყრაში იქნება, გადაჰხდება იმ ქირის 50%-ის რაოდენობით, რასაც იგი ქალაქში ყოფნის დროს იხდის.

18. დაქირავებული შრომის მომუშავე, რომელიც შეთავსებით მუშაობს, და ის პირი, რომელიც იღებს სათანამდებობო ან სპეციალურ განაკვეთს, აგრეთვე ის პირი, რომელსაც მისი მტკიცე ძირითადი განაკვეთის დამატებად ეძ-

ლევა ტანტიემა ან პროცენტული გასამრჯელო, ბინის ქირას გადაიხდის მთელი თავისი ერთობილი თვიური სამუშაო ხელფასის მიხედვით.

შენიშვნა. პედაგოგიური შრომის პირისათვის (უმაღლესი, საშუალო და დაბალი სასწავლებლის მასწავლებელი) ბინის ქირის განსაზღვრის დროს სათვალავში მიიღება მხოლოდ ის სამუშაო ხელფასი, რასაც იგი სპეციალურად მისი კატეგორიის პირთათვის დაწესებული სამუშაო დროის ნორმისათვის იღებს; ის სამუშაო ხელფასი-კი, რასაც იგი ამაზე მეტს იღებს იმავე ან სხვა სასწავლებელში, ჩაითვლება ზედმეტ ნამუშევრად და ბინის ქირის გამოანგარიშების დროს სათვალავში არ მიიღება.

უკეთეს პედაგოგიური შრომის პირი თავისი ძირითადი პედაგოგიური მეცადინეობის გარდა, მუშაობს კიდევ შეთავსებით სხვა დაწესებულებასა ან საწარმოში, ბინის ქირა მისთვის გამოიანგარიშება მისი უმაღლესი სამუშაო ხელფასის მიხედვით (პედაგოგიური ან სხვა სამუშაოსათვის).

19. მუშა მოსამსახურე მოვალეა წარუდგინოს სახლის სამოუაროს ანგარიშგასწორების წიგნაკი ან სამსახურის ადგილიდან მიღებული მოწმობა თანამდებობისა და სამუშაო ხელფასის რაოდენობის აღნიშვნით.

20. ბინის დამქირავებელი გადაიხდის ქირას წინა მუხლებში აღნიშნული განაკვეთების მიხედვით მის მიერ და მის რჩენაზე მყოფი ოჯახის წევრების მიერ დაქერილი საცხოვრებელი სივრცისათვის 10 კვადრ. მეტრის (საბინაო-სასანიტარო ნორმის) ფარგლებში თითო სულზე—ტფილისში, ხოლო 12 კვად. მეტრის ფარგლებში თითო სულზე—სხვა ქალაქებში და ქალაქის ტიპის დასახლებულ ადგილას.

შენიშვნა. ბინის ქირის გადახდის სფეროში ოჯახის წევრად ითვლება: საცხოვრებელის ქირის გადამხდელის მეუღლე, ყველა მასთან მცხოვრები და მის რჩენაზე მყოფი პირი და აგრეთვე შინა-მოსამსახურე.

21. მრავალრიცხოვანი ოჯახის მქონე დამქირავებლისათვის ამა დადგენილების მე-6 („ა“, „გ“ და „დ“ პუნ.), 7, 9, 10, 11, 12 და 13 მუხლებში აღნიშნულ პირთაგან დაწესდება ბინის ქირის მონაკლები თვითეულ სარჩენ პირზე, დაწყებული მესამე პირიდან, 10 %-ის რაოდენობით, ხოლო საერთოდ არა უმეტეს 30 %-სა.

შენიშვნა. ის პირი, რომელსაც აქვს 20 მან. მეტი დამოუკიდებელი შემოსავალი, რჩენაზე მყოფთა შორის არ ჩაირიცხება.

22. როდესაც საცხოვრებელი სადგომი (ბინა თუ ოთახი) ორს ან რამდენსამე პირს უქირავს და თვითეულ მათგანს აქვს დამოუკიდებელი სამუშაო ხელფასი თუ შემოსავალი, ბინის ქირა, თუნდაც ეს პირნი ერთი და იმავე ოჯახის წევრნი იყვნენ, გადახდევინებულ უნდა იქნეს იმ პირის სამუშაო ხელფასისა თუ შემოსავლის მიხედვით, რომელიც მათ შორის უდიდეს სამუშაო ხელფასს თუ შემოსავალს იღებს.

23. ქირას მე-20 მუხ. გათვალისწინებული ნორმის გარეშე საცხოვრებლად ვარგისი ზედმეტი სივრცისათვის ამა დადგენილების მე-5, 7, 8, 9, 10, 11, 12 და 13 მუხლებში აღნიშნული დამქირავებელნი გადაიხდიან ერთი-ორად ბინის

ქირის სათანადო განაკვეთების მიხედვით, ხოლო მე-14 მუხ. აღნიშნული დამქირავებელნი—ერთი-სამად.

უკეთეს დამქირავებელი მუშაა ან მოსამსახურე და ზედმეტი სივრცე არ აღემატება მთლად ოჯახის მიერ ნორმის მიხედვით დაქერილი საცხოვრებლად ვარგისი სივრცის ნახევარს, ქირა ზედმეტი სივრცისათვის გადახდევინებულ უნდა იქნეს ერთმაგი რაოდენობით.

შენიშვნა 1. იმ დამატებითი სივრცისათვის—15 კვ. მეტრის ფარგლებში,—რაც მოქალაქეთა ზოგიერთ კატეგორიას ეძლევა „საცხოვრებელი სადგომების შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1923 წ. სექტემბრის 26-ს დეკრეტის მე-9 მუხ. თანახმად, ქირა გადახდევინებულ უნდა იქნეს ერთმაგი რაოდენობით.

იმ თანამდებობათა და პროფესიათა სიას, რაც დამქირავებელს უფლებას აძლევს დამატებით სივრცე იქონიოს, დაადგენს საქართველოს სსრ სახალხო კომისართა საბჭო.

შენიშვნა 2. ზედმეტი საცხოვრებელი სივრცისათვის შესული ქირის თანხების 50%-ს სახლის სამოურაონი გადასცემენ ადგილობრივი საბჭოს სალაროს ადგილობრივი ბიუჯეტის შედგენილობაში შემქმნილი საბინაო ფონდის სპეციალური კაპიტალების შესავსებად.

24. ყველა დამქირავებლისათვის, ამა დადგენილების მე-14 მუხლში აღნიშნულთა გამოკლებით, ბინის ქირა ქალაქის განაპირად მდებარე სახლებში შემცირდება 33,3 %-ით.

შენიშვნა. ქალაქის დაყოფას ცენტრებზე და განაპირა ადგილებზე დაადგენს სათანადო საქალაქო საბჭო ან სათემო საბჭო.

25. სასარდაფო სადგომისათვის, რომლის იატაკიც მიწის დონეზე დაბლაა არა უმეტეს, ვიდრე 0,5 მეტრით, ამა დადგენილების 24 მუხლში აღნიშნული პირი ქირას გადაიხდის ნორმალური ტარიფზე 25%-ის დაკლებით.

26. სასარდაფო სადგომისათვის, რომლის იატაკი მიწის დონეზე უფრო დაბლაა, ვიდრე 0,5 მეტრით, აგრეთვე ბნელი ოთახისათვის (რომელსაც ფანჯრის სინათლე არა აქვს), სასვენო სადგომისათვის და საველი ოთახისათვის (რომლებზედაც დამქირავებლისათვის უცხო მდგმურები დადიან) ამა დადგენილების 24 მუხლში აღნიშნული პირი ქირას გადაიხდის ნორმალურ ტარიფზე 50%-ის დაკლებით.

შენიშვნა. სასარდაფო ოთახად ითვლება ისეთი ოთახი, რომლის იატაკიც თუნდაც ერთის მხრით მიწის დონეზე დაბლაა.

27. იმ ქალაქში და ქალაქის ტიპის დასახლებულ ადგილას, სადაც მოიპოვება სათანადო კომუნალური გამართულობანი, საცხოვრებელი სადგომის ქირა შეიძლება შემცირებულ იქნეს:

- ა) უკეთეს სადგომს ელექტრო-სინათლე არა აქვს 50%-ით;
- ბ) უკეთეს სადგომს წყალსადენი არა აქვს 10%-ით;
- გ) უკეთეს სადგომს კანალიზაცია არა აქვს 10%-ით.

28. ამა დადგენილების 24 მუხლში აღნიშნული პირისათვის, რომელიც სამზარეულოს არა ხმარობს, ბინის ქირა შემცირდება 10%-ით, ხოლო იმისთვის, ვინც ხმარობს საერთო სამზარეულოს სხვა მდგმურებთან ერთად—5%-ით.

29. ამა დადგენილების მე-5, 7, 8, 9 მუხ. და მე-12 მუხ. 1-ლსა და მე-2 შენიშვნაში აღნიშნულ პირთ ბინის ქირა შეაქვთ არა უგვიანეს საგადასახდლო თვის მომდევნო თვის 10-ს რიცხვისა; ხოლო დანარჩენი კატეგორიის პირთ ბინის ქირა შეაქვთ არა უგვიანეს მიმდინარე საგადასახდლო თვის 15 რიცხვისა.

შენიშვნა. უკეთუ მუშა-მოსამსაურემ და მასთან გათანაბრებული კატეგორიის პირმა ბინის ქირა ვადაზე არ შეიტანა ჯამაგირისა, დახმარებისა, პენსიისა და სხვ. თავის დროზე მიუღებლობის გამო, რაც სათანადოდ დადასტურებულია, ეს შეუტანლობა ვადის გადაცილებად არ ჩაითვლება.

30. უკეთუ, ამა დადგენილების თანახმად, ბინის ქირის რაოდენობა განსაზღვრულ უნდა იქნეს მხარეთა შეთანხმებით და მათ შორის შეთანხმება არ მოხდება, აგრეთვე ისეთ შემთხვევაში, რაც ამა დადგენილებით გათვალისწინებული არ არის, ბინის ქირას განსაზღვრავს სასამართლო ამა დადგენილების საფუძვლებზე და დამქირავებლის ქონებრივი მდგომარეობის მიხედვით.

II

წინადადება მიეცეს საქალაქო საბჭოებსა და სათანადო ადგილობრივ აღმასრულებელ კომიტეტებს, კუთვნილებისამებრ, გამოსცენ ამა დადგენილების საფუძვლებზე და შემოიღონ სამოქმედოდ საბინაო ტარიფები ქალ. ტფილისში არა უგვიანეს 1929 წ. სექტემბრის 1-სა, ხოლო დანარჩენ ქალაქებსა და ქალაქის ტიპის დასახლებულ ადგილებში—არა უგვიანეს 1929 წ. ოქტომბრის 1-სა.

III

ამა დადგენილების გამოცემისთან დაკავშირებით გაუქმებულ იქნეს: ა) ქალაქებსა და ქალაქის ტიპის დასახლებულ ადგილებში „საცხოვრებელი სადგომების ქირის შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1927 წ. ივლისის 4-ს დადგენილების 1—28 მუხლები (კან. კრ. 1927 წ. მე-7 №-რი, მუხ. 98) და ბ) „საცხოვრებელი სადგომების შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1923 წ. სექტემბრის 26-ს დეკრეტის მე-11 მუხლი (კან. კრ. 1923 წ. მე-2 №-რი, მუხ. 20 და 1927 წ. მე-7 №-რი, მუხ. 99).

IV

ამა დადგენილების მოქმედება ვრცელდება აფხაზეთის სსრ-ისა, აჭარის-ტანის ავტონომიური სსრ-ისა და სამხრეთ-ოსეთის ავტონომიური ოლქის ტერიტორიაზე.

V

წინადადება მიეცეს იუსტიციის სახალხო კომისარიატს შეიმუშაოს, შრომის სახალხო კომისარიატთან და საქართველოს პროფესიონალურ კავშირთა საბჭოს-

თან ერთად, იმ თანამდებობათა და პროფესიათა სია, რაც „საცხოვრებელ სადგომთა შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1923 წ. სექტემბრის 26-ს დეკრეტის მე-9 მუხლის თანახმად, ბინის დამკირავებელს უფლებას აძლევს იქონიოს დამატებითი ოთახი ან საცხოვრებელი სივრცე და აღნიშნული სია წარუდგინოს დასამტკიცებლად საქართველოს სსრ სახალხო კომისართა საბჭოს არა უგვიანეს 1929 წ. ოქტომბრის 1-სა.

სრულიად საქართველოს ცენტრალური აღმასრულებელი კომიტეტის თავმჯდომარის მაგიერ **თენგიზ ჟღენტაი.**

საქართველოს სსრ სახალხო კომისართა საბჭოს თავმჯდომარის მოადგილე **გ. მგალობლიშვილი.**

სრულიად საქართველოს ცენტრალური აღმასრულებელი კომიტეტის მდივნის მაგიერ **დ. ქუჩულორია.**

1929 წ. სექტემბრის 2.

ტფილისი—სასახლე.

გამოქვეყნებულია გაზ. „კომუნისტი“-ს 205 №-ში 1929 წ. სექტემბრის 6.

203. დადგენილება ც.ა.კ. და ს.კ.ს.

ადგილობრივი საგლეხო დამზღვევი ხელუხლებელი სათესლე მარაგის (ფონდის) შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. რათა სოფლის მოსახლეობა უზრუნველყოფილ იქნეს სათესლე მასალით სტიქიური უბედურებისა და მოუსიავლიანობის დროს, საჭიროდ იქნეს ცნობილი დაწესდეს ადგილობრივი საგლეხო დამზღვევი ხელუხლებელი სათესლე მარაგი (ფონდი) ქვემოთ ჩამოთვლილი მუხლებით გათვალისწინებული წესისამებრ.

2. ადგილობრივი დამზღვევი ხელუხლებელი სათესლე მარაგი (ფონდი) დაწესდება სოფლის მოქალაქეთა საერთო კრების (ყრილობის) დადგენილებით სასოფლო საბჭოს ცალკეული მოქალაქისა ან საზოგადოებრივი ორგანიზაციის წინადადების თანახმად:

ა) პაის შეტანით ნატურად, ე. ი. ამა თუ იმ რაიონის სასოფლო მეურნეობაში უაღრესი მნიშვნელობის კულტურის (ხორბალი, სიმინდი, ქერი, ქვავი, შვრია და სხვ.) მარცვლეულად შეტანით ან

ბ) განსაზღვრული საზოგადო მიწის ნაკვეთების გამოყოფით და ამ მიწების დათესვით სოფლის ყველა მოქალაქეთა საერთო სახსარით.



მოქალაქეთა საერთო კრების (ყრილობის) დადგენილება დამზღვევი ხელუხლებელი სათესლე მარაგის დაწესების შესახებ სავალდებულოა სოფლის ყველა იმ მოქალაქისათვის, რომელიც კი სასოფლო მეურნეობას მისდევს.

შენიშვნა. დამზღვევი ხელუხლებელი სათესლე მარაგის დასაწესებლად საჭიროა, რომ მოქალაქეთა საერთო კრებაში (ყრილობაში) მონაწილეობა მიიღოს უწყებელი სოფლის იმ მოქალაქეთა საერთო რიცხვის ერთმა მე-სამედმა მაინც, რომელთაც აქვთ ნათესები და აგრეთვე საარჩევნო უფლება; ამასთანავე, დადგენილება დამზღვევი ხელუხლებელი სათესლე მარაგის დაწესების შესახებ მიღებულ უნდა იქნეს ხმის მარტივი უმეტესობით.

3. ამა დადგენილების მე-2 მუხლის თანახმად შექმნილი სათესლე მარაგი მოქალაქეთა საერთო კრების (ყრილობის) მიერ არჩეული კომისიის განკარგულებაშია. კომისია აირჩევა სამი პირისაგან (უწყებელი სოფლის იმ მოქალაქეთა შორის, ვისაც საარჩევნო უფლება აქვს).

კომისიას დაამტკიცებს სასოფლო საბჭო.

აღნიშნული კომისია ანგარიშს თავისი მოქმედების შესახებ წარუდგენს სასოფლო ყრილობას და სასოფლო საბჭოს.

სათესლე მარაგის შექმნის საქმეს ხელმძღვანელობას უწევს სასოფლო საბჭო და იგივე თვალყურს ადევნებს ამ მარაგის მდგომარეობას.

4. სათესლე მარაგს აქვს დამზღვევი ხასიათი და მისი განსაკუთრებული დანიშნულებაა უზრუნველყოს უწყებელი სოფლის მცხოვრებნი სათესლე მასალით. სათესლე მარაგის ხარჯვა სასურსათო ან სხვა რამ მიზნით აკრძალულია.

შენიშვნა. განსაკუთრებულ შემთხვევაში, სასოფლო საბჭოს დადგენილებით, რაც დამტკიცებულ უნდა იქნეს სარაიონო აღმასრულებელი კომიტეტის მიერ (ხოლო იქ, სადაც იგი მოწყობილი არ არის—სამაზრო აღმასრულებელი კომიტეტის მიერ), შეიძლება სათესლე მარაგიდან სესხობრივად სათესლე მასალა ერთი სოფლიდან მეორე სოფელს გადაეგზავნოს იმ ტერიტორიის ფარგალში, რომელსაც აერთიანებს სასოფლო საბჭო.

5. მოქალაქეთა საერთო კრების (ყრილობის) დადგენილება დამზღვევი ხელუხლებელი სათესლე მარაგის დაწესების შესახებ ნატურალური საბაიო შენატანით (მე-2 მუხლის „ა“ პუნ.) ან სათესლე მარაგის დასათესად საზოგადო მიწის ნაკვეთის გამოყოფით (მე-2 მუხლის „ბ“ პუნ.) წარედგინება დასამტკიცებლად, სათანადო სასოფლო საბჭოს მეშვეობით, სარაიონო აღმასრულებელ კომიტეტს (ხოლო იქ, სადაც იგი მოწყობილი არ არის—სამაზრო აღმასრულებელ კომიტეტს), რომელიც უკეთუ, აღნიშნული დადგენილება შეესაბამება ამა დადგენილებით განსაზღვრულ პირობებს, გასცემს სათანადო მოწმობას.

6. დამზღვევი ხელუხლებელი სათესლე მარაგის საერთო რაოდენობას თვითეული დასახლებული პუნქტისათვის განსაზღვრავს სასოფლო საბჭო ისეთი ვარაუდით, რომ ეს მარაგი შეადგენდეს 25-დან 50 %-მდე იმ სათესლე მასალისა, რაც საჭიროა ყოველწლივ მოსახნავი მიწების სივრცის დასათესად. სათესლე მარაგი შეგროვილ უნდა იქნეს სამი წლის განმავლობაში მაინც.

7. დამზღვევ ხელუხლებელ სათესლე მარაგში შესატანი პაის რაოდენობას და შეტანის ვადას განსაზღვრავს მოქალაქეთა საერთო კრება (ყრილობა).

განსაზღვრული სათესლე მარაგის (ფონდის) საერთო რაოდენობას მეურნეობათა შორის გაანაწილებს მოქალაქეთა საერთო კრება (ყრილობა), რომელიც მხედველობაში მიიღებს ცალკეულ მეურნეობათა მცირეძალოვნებას, რათა ამ მცირეძალოვან მეურნეობათათვის დადგენილ იქნეს საპაიო შენატანის უფრო შემცირებული განაკვეთები და შეტანის ვადა მათ გაუნაწილდეს 5 წლამდე, ხოლო უმაღლესი განაკვეთი ძალოვან ინდივიდუალურ მეურნეობათათვის არ უნდა აღემატებოდეს მათთვის საჭირო სათესლე მასალის რაოდენობის 100%-ს.

მოქალაქეთა საერთო კრების (ყრილობის) დადგენილება განსაზღვრული სათესლე მარაგის (ფონდის) საერთო რაოდენობის განაწილებისა და შეტანის ვადების შესახებ დამტკიცებულ უნდა იქნეს სასოფლო საბჭოს მიერ, რომელიც ამ დადგენილების დამტკიცების დროს განიხილავს აგრეთვე ცალკეულ მოქალაქეთა საჩივრებს განაწილებისა და შეტანის ვადების თაობაზე. სასოფლო საბჭოს მიერ დამტკიცებული განაწილება და ვადები სავალდებულოა უწყებელი სოფლის ყველა მოქალაქისათვის.

შენიშვნა. სათესლე მარაგად მიწყული მარცვლეული უნდა შეესაბამებოდეს ყველა იმ თვისებას, რაც საჭიროა მისი დანიშნულებისა და შენახვისათვის.

8. სათესლე მარცვლეული დამზღვევი ხელუხლებელი მარაგიდან გაიცემა, მოქალაქეთა საერთო კრების (ყრილობის) დადგენილების თანახმად, დასაბრუნებელი სათესლე სესხის სახით; აღნიშნული დადგენილება ძალაში შევა სასოფლო საბჭოს მიერ მისი დამტკიცების შემდეგ; სასოფლო საბჭოს უფლება აქვს დაუბრუნოს დადგენილება მოქალაქეთა საერთო კრებას ხელახალი განხილვისათვის, უკეთუ იგი სცნობს, რომ დადგენილება შეუსაბამოა.

9. სესხი დამზღვევი ხელუხლებელი სათესლე მარაგიდან მიეცემა პირველ რიგში უღარიბეს გაჭირვებულ მოსახლეობას, ამასთანავე, სათესლე სესხის განაწილებაში მონაწილეობა უნდა მიიღონ, სათათბირო ხმის უფლებით გლეხთა ურთიერთი დახმარების საზოგადოების წარმომადგენლებმა.

10. მსესხებელი, რომელმაც მიიღო სათესლე სესხი დამზღვევი ხელუხლებელი მარაგიდან, მოვალეა დააბრუნოს იგი პირველსავე მოსავლიდან სასოფლო საბჭოს მიერ ადგილობრივი პირობების მიხედვით, დადგენილ ვადაზე, ხოლო არა უგვიანეს სექტემბრის 1-სა თვეთაგანი თესლი და არა უგვიანეს მარტის 1-სა—სიმიინდი.

11. უკეთუ გაცემული სესხი და აგრეთვე საპაიო შესატანი ვადაზე არ იქნა წარდგენილი, ამ სესხსა და საპაიო შესატანს სასოფლო საბჭო გადაახდევინებს არაპირიან ვადამდელთ ადმინისტრაციული წესით, რაც დადგენილია სახელმწიფო ვადასახადთა და გამოსაღებთა გადახდევინებისათვის.

შენიშვნა. შუამდგომლობას სესხის დაფარვის ვადის გადადების შესახებ გადასწყვეტს სასოფლო ყრილობა და ამ გადაწყვეტილებას დაამტკიცებს სასოფლო საბჭო.

12. სათესლე მარაგის ზედმიწევნით აღნუსხვა და სესხის მიმღებთა სიის შედგენა—გაცემულ სესხთა რაოდენობისა და სახისა, მათი გადახდის ვადებისა

და დაფარვის დროის აღნიშვნით—დაეკისრება ამა დადგენილების მე-3 მუხლით გათვალისწინებულ კომისიას.

13. უკეთეს სასოფლო საბჭოს თანამდებობის პირისა და მე-3 მუხ. აღნიშნული კომისიის წევრის მიზეზით დამზღვევი ხელუხლებელი სათესლე მარაგი გამოიყენებულ იქნა ამა დადგენილებით განსაზღვრული წესების დარღვევით, იგი პასუხს აგებს საქართველოს სსრ სისხლის სამართლის კოდექსის იმ თავის სათანადო მუხლების მიხედვით, რომლითაც გათვალისწინებულია თანამდებობრივი დანაშაულობანი.

14. სათესლე ფონდების წარმატებით განვითარებისათვის:

ა) საოლქო აღმასრულებელ კომიტეტი, (ხოლო იქ, სადაც იგი მოწყობილი არ არის—სამაზრო აღმასრულებელ კომიტეტი) დაეკისრება—მუდმივი მეთვალყურეობა გაუწიოს დამზღვევი ხელუხლებელი სათესლე მარაგის შექმნის საქმის მსვლელობას და ხელი შეუწყოს ადგილობრივ ორგანოებს ამ საქმეში; ბ) ადგილობრივ საადგილმამულო ორგანოებს დაევალებათ ხელი შეუწყონ იმ სასოფლო საბჭოებს, რომელნიც სათესლე ფონდების შექმნის საქმეს შეუდგებიან, აგრონომიული დახმარების მოწყობით, გლეხთა მოსახლეობისათვის ინსტრუქტორობის გაწევით, ბელღების ასაშენებლად და სარემონტოდ შეღავათიან პირობებზე ტყის გაცემით, სახელმწიფო ფონდიდან მიწის ნაკვეთების გაცემით შეერთებულის ძალით მოსახნავად, გლეხთა მარცვლეულზე გაუმჯობესებული ხარისხის მარცვლეულის გაცვლით და გაუმჯობესებული მარცვლეულის გაცემით მიწების შეერთებული ძალით მოსახნავად; გ) სასოფლო სამეურნეო კრედიტის ორგანოებს დაეკისრებათ—გაითვალისწინონ თავიანთ გეგმებში სასოფლო საბჭოებისათვის შეღავათიანი პირობებით კრედიტის მიცემა საზოგადო ბელღების ასაშენებლად და სარემონტოდ.

15. სათესლე მარაგის შესანახად გამოიყენება ყველა საზოგადოებრივი მაღაზია, რაც კი პურეულის დამზადებისათვის იხმარება, და საამიზნოდ სასოფლო საბჭოს მიერ მიჩენილი სათავსი.

16. სარაიონო აღმასრულებელი კომიტეტი (ხოლო იქ, სადაც იგი მოწყობილი არ არის—სამაზრო აღმასრულებელი კომიტეტი) მოვალეა, საქიროებისადამიხედვით, ხოლო წელიწადში ორჯერ მაინც, გამოიკვლიოს ადგილობრივი დამზღვევი, ხელუხლებელი სათესლე მარაგის მდგომარეობა.

17. ამა დადგენილებით გათვალისწინებული წესისამებრ შექმნილი და შენახული დამზღვევი ხელუხლებელი სათესლე მარაგის რეკვიზიცია არ შეიძლება.

ამ მარაგზე არ შეიძლება მიექცეს გადახდევინება როგორც ყოველგვარი გადასახადისა და გამოსაღებისა, ისე სახელმწიფო და კოოპერატიულ დაწესებულებათა და საწარმოთა და კერძო პირთა ყოველგვარი პრეტენზიისა; აგრეთვე ამ მარაგიდან არ შეიძლება გადაიღოს არავითარი ანარიცხი სარაიონო, საოლქო ან სხვა რამ ადგილობრივი საქიროებისათვის.

18. ამა დადგენილების მოქმედება ვრცელდება საქართველოს სსრ—აქართველთა სსრ-ისა და ოსეთის ავტონომიურ ოლქის ტერიტორიაზე.

სრულიად საქართველოს ცენტრალური აღმასრულებელი კომიტეტის თავმჯდომარის მაგ. თ. უდენტი.

საქართველოს სსრ სახალხო კომისართა საბჭოს თავმჯდომარის მოადგილე გ. მაგლოზლიშვილი.

სრულიად საქართველოს ცენტრალური აღმასრულებელი კომიტეტის მდივნის მაგ. დ. ქუჩალოვია.

1929 წ. სექტემბრის 5

ტფილისი—სასახლე.

გამოქვეყნებულია გაზ. „კომუნისტი“-ს 207 №-ში 1929 წ. სექტემბრის 8.

204. დადგენილება ც.ა.კ. და ს.კ.ს.

არაშემძლედ ცნობილი პირველადი კოოპერატიული ორგანიზაციების საქმეთა ლიკვიდაციის ერთი ლიკვიდატორისათვის დაკისრების შესახებ.

სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1929 წ. თებერვლის 6-ს დადგენილებით (სსრკ კან. კრებ. 1929 წ. მე-11 №-რი, მუხ. 101) დამტკიცებული „კოოპერატიულ ორგანიზაციების არაშემძლეობის დებულების“ 25 მუხ. შენიშვნის თანახმად,—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭოს აღდგენენ:

სასამართლოს მიერ არაშემძლედ ცნობილი პირველადი კოოპერატიული ორგანიზაციების ლიკვიდაცია,—ამიერკავკასიის სამომხმარებლო კოოპერაციის კავშირში დამოუკიდებელი წევრის სახით შემავალი ორგანიზაციების გამოკლებით,—შეიძლება დაეკისროს ერთ ლიკვიდატორს სალიკვიდაციო კომისიის უფლება-მოვალეობით.

სრულიად საქართველოს ცენტრალური აღმასრულებელი კომიტეტის თავმჯდომარის მაგიერ თ. უდენტი.

საქართველოს სსრ სახალხო კომისართა საბჭოს თავმჯდომარის მოადგ. გ. მაგლოზლიშვილი.

სრულიად საქართველოს ცენტრალური აღმასრულებელი კომიტეტის მდივნის მაგიერ დ. ქუჩალოვია.

1929 წ. სექტემბრის 5.

ტფილისი—სასახლე.



205. დ ა დ გ ე ნ ი ლ ე ბ ა ც.ა.კ. და ს.კ.ს.

სისხლის სამართლის კოდექსის დანართის—სამხედრო დანაშაულთა დებულებების—მე-7 და 8 მუხლების შეცვლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების (კან. კრ. 1924 წ. № 1, მუხ. 7) მე-2 მუხლის წესისამებრ და თანახმად სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1929 წ. აპრილის 24 დადგენილებისა „სამხედრო დანაშაულთა დებულების მე-7 და 8 მუხლების შეცვლის შესახებ“ (სსრკ კან. კრ. 1929 წ. 29 №-რი, მუხ 265)—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სამხედრო დანაშაულთა დებულების (საქართველოს სსრ სისხლის სამართლის კოდექსის დანართი) მე-7 და 8 მუხლები მიღებულ იქნეს შემდეგი რედაქციით:

მუხ. 7. ა) სამხედრო ნაწილის ან სამსახურის ადგილის თვითნებობით მიტოვება 6 დღედაღამეზე მეტი ხნით, ხოლო ფლოტის კაპიანის დროს, მანევრების დროს, სასწავლო, მოკლევადიანი, განმეორებითი და შემოწმებითი შეკრების დროს 2 დღედაღამეზე მეტი ხნით (გაქცევა),—გამოიწვევს თავისუფლების აღკვეთას ერთ წლამდე, სასტიკი იზოლაციის შეუფარდებლად.

ბ) სამხედრო ნაწილის ან სამსახურის ადგილის თვითნებობით მიტოვება თუნდაც 6 (2) დღედაღამეზე ნაკლები ხნით, უკეთეს ეს ჩადენილია სამხედრო სამსახურის მოვალეობის შესრულებისაგან დიდი ხნით ან სრულიად თავის არიდების მიზნით (გაქცევა),—გამოიწვევს

სოციალური დაცვის იმავე ღონისძიებას.

გ) ამა მუხლის „ა“ და „ბ“ პუნქტებით გათვალისწინებული ქმედობა, უკეთეს იგი ჩადენილია მეორედ, ან მეტჯერ, ან ჩადენილია ომიანობის დროს, თუნდაც პირველად,—გამოიწვევს

თავისუფლების აღკვეთას არა ნაკლებ ექვსი თვისა, სასტიკი იზოლაციით და ქონების კონფისკაციით ან უამისოდ.

დ) ამა მუხლის „ა“ და „ბ“ პუნქტებით გათვალისწინებული ქმედობა, უკეთეს იგი ჩადენილია ომიანობის დროს, განსაკუთრებით დამამძიმებელ გარემოებაში,—გამოიწვევს

სოციალური დაცვის უმაღლეს ღონისძიებას, ქონების კონფისკაციით.

ე) ამა მუხლის „ა“ და „ბ“ პუნქტებით გათვალისწინებული ქმედობა, უკეთეს იგი ჩადენილია საშუალო, უფროს, უმაღლეს და ვადასხვევითმსახურ უმცროს თავმდგომთა შედგენილობის პირის მიერ,—გამოიწვევს

თავისუფლების აღკვეთას არა ნაკლებ ორი წლისა, სასტიკი იზოლაციით ან უამისოდ და ქონების კონფისკაციით ან უამისოდ, ხოლო ომიანობის დროს—სოციალური დაცვის უმაღლეს ღონისძიებას, ქონების კონფისკაციით.

ვ) ამა მუხლის „ა“ პუნქტით გათვალისწინებული ქმედობა, უკეთუ იგი ჩადენილია მშვიდობიანობის დროს, თუნდაც თავმდგომთა შედგენილობის პირის მიერ, განსაკუთრებით შემამსუბუქებელ გარემოებაში, უკეთუ ამასთანავე თვითნებობით სხვაგან ყოფნა გაგრძელდა არა უმეტეს 12 (4) დღელამისა—გამოიწვევს მუშათა და გლეხთა წითელი არმიის სადისციპლინო წესდების შეფარდებას.

მუხ. 8. ა) სამხედრო ნაწილის ან სამსახურის ადგილის თვითნებობით მიტოვება უიმგანზრახვოდ, რომ დამნაშავეს სრულიად აერიდებინა თავი სამხედრო სამსახურის მოვალეობის შესრულებისათვის, უკეთუ სხვაგან ყოფნა გაგრძელდა არა უმეტეს 6 (2) დღელამისა (თვითნებობით წასვლა), ხოლო ეს სისტემატიურად განმეორდა, — გამოიწვევს

მე-7 მუხ. „ა“ და „ბ“ პუნქტებით გათვალისწინებულ სოციალური დაცვის ღონისძიებას.

ბ) იგივე ქმედობა, უკეთუ იგი ჩადენილია საშუალო, უფროს, უმაღლეს და ვადაზვეთმსახურ უმცროს თავმდგომთა შედგენილობის პირის მიერ, — გამოიწვევს

მე-7 მუხ. „ე“ პუნქტით გათვალისწინებულ სოციალური დაცვის ღონისძიებას.

შენიშვნა. მე-7 მუხ. „გ“ პუნქტით გათვალისწინებული სოციალური დაცვის ღონისძიება შეეფარდება ამა მუხლის „ა“ პუნქტით გათვალისწინებულ ქმედობას იმ შემთხვევაში, უკეთუ ამგვარივე ქმედობისათვის უკვე ყოფილა დადებული მსჯავრი, და აგრეთვე იმ შემთხვევაში, უკეთუ აღნიშნული ქმედობა ჩადენილია პირველად, ხოლო ომიანობის დროს, ან იმის შემდეგ, რაც უკვე ყოფილა დადებული მსჯავრი მე-7 მუხ. „ა“, „ბ“ და „დ“ პუნქტებით გათვალისწინებულ ქმედობისათვის.

სრ. საქართველოს ცენტრალური აღმასრულებელი
კომიტეტის თავმჯდომარის მაგიერ თ. ჟღენტაი.

საქართველოს სსრ სახალხო კომისართა საბჭოს
თავმჯდომარის მოადგილე გ. მაგლობლიშვილი.

სრულიად საქართველოს ცენტრალური აღმასრუ-
ლებელი კომიტეტის მდივნის მაგიერ დ. ქუჩულორია.

1929 წ. სექტემბრის 5.
ტფილისი—სასახლე.

206. დ ა დ ვ ე ნ ი ლ ე ბ ა ც. ა. კ. დ ა ს. კ. ს.

საქართველოს სსრ ჯანმრთელობის სახალხო კომისარიატთან არსებული საკურორტო თათბირის შესახებ.

სხვადასხვა უწყებისა და ორგანიზაციის მიერ კურორტებზე წარმოებული მუშაობის შესათანხმებლად, საკურორტო მშენებლობის საქმიანობაში პარალელის თაიდან ასაცილებლად და საკურორტო პოლიტიკისა და გეგმის მთლიანობის უზრუნველსაყოფად სრულიად საქართველოს ცენტრალური აღმასრულებელი კომიტეტი და სსრ სახალხო კომისართა საბჭო ადგენენ;

1. მოეწყოს საქართველოს სსრ ჯანმრთელობის სახალხო კომისარიატთან საკურორტო თათბირი.

2. საკურორტო თათბირის გამგებლობის საგანს შეადგენს:

ა) მუშა-მოსამსახურეთა საკურორტო მკურნალობის ყოველწლიური მოთხოვნილების გამორკვევა და ამ მოთხოვნილების დაკმაყოფილებისათვის საერთო გეგმის შედგენა;

ბ) ავადმყოფთა კურორტებზე გადაყვან-გადმოყვანის გეგმის განხილვა;

გ) საქართველოს სსრ მთავარი საკურორტო სამმართველოს, სრულიად საქართველოს სოციალური დაზღვევის კომიტეტისა, აფხაზეთის სსრ-ის მთავარი საკურორტო სამმართველოს, აჭარისტანის ავტონომიური სსრ-ის საკურორტო სამმართველოს და სამხრეთ-ოსეთის ავტონომიური ოლქის ჯანმრთელობის სახალხო კომისარიატის საპერსპექტივო და საოპერაციო საკურორტო გეგმების განხილვა, აგრეთვე სხვა იმ ორგანოებისა, რომელნიც საკურორტო-სამკურნალო დაწესებულებებს განაგებენ; თანაც ამ უკანასკნელთა მოქმედების ანგარიშების განხილვა;

დ) როგორც საქართველოს სსრ მთავარი საკურორტო სამმართველოს, ისე სხვა უწყებისა და ორგანიზაციების გამგებლობაში მყოფ საკურორტო-სამკურნალო დაწესებულებათა მოქმედების ნაკლის გამოაშკარავება და ამ ნაკლის თავიდან ასაცილებლად საჭირო ღონისძიებათა განხილვა;

ე) იმ ღონისძიებათა განხილვა, რათა მშრომელთა ელემენტებმა რაც შეიძლება ფართოდ გამოიყენონ კურორტები და, აგრეთვე, საკურორტო მშენებლობის სხვა საერთო პრინციპიალური საკითხების განხილვა.

3. საკურორტო თათბირი შესდგება: თავმჯდომარისაგან, რომელსაც დანიშნავს საქართველოს სსრ ჯანმრთელობის სახალხო კომისარიატი, და წევრებისაგან—თითო წარმომადგენლის სახით—შემდეგი უწყებისა და ორგანიზაციისაგან: საქართველოს სსრ ჯანმრთელობის სახალხო კომისარიატისა, ამიერკავკასიის რკინის გზების სამმართველოსი, შინაგან საქმეთა სახალხო კომისარიატისა, მიწათმოქმედების სახალხო კომისარიატისა, ამიერკავკასიის რკინის გზებზე ჯანმრთელობის დაცვისათვის არსებული ამიერკავკასიის რესპუბლიკების ჯანმრთელობის სახალხო კომისარიატების რწმუნებულის სამმართველოსი, საგზაო დამზღვევი სალაროსი, სარკინისგზო ტრანსპორტის მუშათა და მოსამსახურეთა პროფესიონალური კავშირის ამიერკავკასიის საგზაო კომიტეტისა, საქართველოს

პროფესიონალური კავშირთა საბჭოსი, სამედიცინო და სასანიტარო დარგში მომუშავეთა პოფესიონალური კავშირის ცენტრალური გამგეობისა, სრულიად საქართველოს სოციალური დაზღვევის კომიტეტისა, აფაზეთის სსრ მთავარი საკურორტო სამმართველოსი, აჭარისტანის ავტ. სსრ საკურორტო სამმართველოს, სამხრეთ-ოსეთის ავტონომიურ ოლქის ჯანმრთელობის სახალხო კომისარიატისა, ტფილისის აღმასრულებელი კომიტეტის ჯანმრთელობის განყოფილებისა, საქართველოს სსრ მთავარ საკურორტო სამმართველოსთან არსებული სამეცნიერო თათბირისა და საქართველოს სსრ მთავარი საკურორტო სამმართველოსი.

4. თათბირის წევრები მუდმივი წარმომადგენელი არიან იმ დაწესებულებებისა, რომელთაც ისინი გაჰყავნიან.

5. თათბირის მიერ გასარჩევი საკითხები შეიტანება მის განსახილველად როგორც საქართველოს სსრ ჯანმრთელობის სახალხო კომისარიატისა, ისე იმ უწყებისა და ორგანიზაციის ინციატივით, რომელიც წარმოდგენილია თათბირში.

6. თათბირის კრებას იწვევს მისი თავმჯდომარე საჭიროებისაღმიხედვით, ხოლო ორ თვეში ერთხელ მაინც. თათბირის სამი წევრის მოთხოვნით თავმჯდომარე იწვევს საგანგებო კრებას.

7. კრება შემდგარად ჩაითვლება, უკეთუ მას 7 წევრი დაესწრო, მათ რიცხვში თავმჯდომარეც. დადგენილებები მიიღება დამსწრეთა ხმების უმეტესობით. უკეთუ ხმები თანაბრად გაიყო, მიღებულად ის აზრი ითვლება, რომელსაც თავმჯდომარე მიემხრო.

8. თათბირის დადგენილება ძალაში შედის საქართველოს სსრ ჯანმრთელობის სახალხო კომისარიატის მიერ დამტკიცების შემდეგ.

9. იმ დანატერესებულ უწყებას და ორგანიზაციას, რომელიც არ ეთანხმება ჯანმრთელობის სახალხო კომისარიატის მიერ დამტკიცებულ საკურორტო თათბირის დადგენილებას, შეუძლიან ეს დადგენილება განსახიეროს არსებული საერთო წესისამებრ.

10. საკურორტო თათბირის მთელი საქმისწარმოება მიმდინარეობს საქართველოს სსრ მთავარ საკურორტო სამმართველოში.

სრულიად საქართველოს ცენტრალური
 აღმასრულებელი კომიტეტის თავმჯდომარის მაგ. თ. ჟღენტაი.

საქართველოს სსრ სახალხო კომისარიატის
 საბჭოს თავმჯდომარის მოადგილე პ. მგალობლიშვილი.

სრულიად საქართველოს ცენტრალური
 აღმასრულებელი კომიტეტის მდივნის მაგ. დ. ქუჩულორია.

1929 წ. სექტემბრის 6.

ტფილისი-სასახლე.

გამოქვეყნებულია გაზ. „კომუნისტი“-ს 211 №-ში 1929 წ. სექტემბრის 13.

207. დადგენილება ც. ა. კ. და ს. კ. ს.

„სავალდებულო დადგენილებათა გამოცემისა და ამ დადგენილებათა დარღვევისათვის ადმინისტრატიული წესით გადასახდელის დადების დებულებისათვის“ 40¹ მუხ. დამატების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

„სავალდებულო დადგენილებათა გამოცემისა და ამ დადგენილებათა დარღვევისათვის ადმინისტრატიული წესით გადასახდელის დადების დებულებას“ (კან. კრ. 1927 წ. № 7, მუხ. 100; 1929 წ. № 14 მუხ. 145) დაემატოს 40¹ მუხ. შემდეგი შინაარსისა:

„მუხ. 40¹. იმ ჯარიმიდან, რაც გადაჰხდება საქონლის ფარულად დამკველს საქონლის დაკვლის საქმის მომწესრიგებელი სავალდებულო დადგენილების დარღვევისათვის. 50% მიეცემა საქონლის ფარულად დაკვლის აღმომჩენს.“

სრულიად საქართველოს ცენტრალური აღმასრულებელი-კომიტეტის თავმჯდომარის მაგ. თ. უღენტი.

საქართველოს სსრ სახალხო კომისართა საბჭოს თავმჯდომარის მოადგილე გ. შგალობლიშვილი.

სრულიად საქართველოს ცენტრალური აღმასრულებელი კომიტეტის მდიენის მაგ. დ. ქუჩულორია.

1929 წ. სექტემბრის 14.

ტფილისი—სასახლე.

208. დადგენილება ც. ა. კ. და ს. კ. ს.

„სათემო აღმასრულებელი კომიტეტების მიერ გარიგებათა, ხელშეკრულებათა და დოკუმენტთა შემოწმების თაობაზე“ გამოცემული დადგენილების შეცვლისა და შევსების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I.

1. „სათემო აღმასრულებელი კომიტეტების მიერ გარიგებათა, ხელშეკრულებათა და დოკუმენტთა შემოწმების შესახებ“ გამოცემული სრულიად საქართველოს ცენტრალური აღმასრულებელი კომიტეტის 1926 წ. ივნისის 22-ს თა-

რილისა და 44 №-ის დადგენილების (კან. კრ. 1926 წ. მე-3 №-რი, მუხ. 72) სათაური შეიცვალოს და მიღებულ იქნეს შემდეგი რედაქციით: „სათემო აღმასრულებელი კომიტეტების სანოტარო მოქმედებათა შესახებ.“

2. აღნიშნული დადგენილების მე-2 მუხლი მიღებულ იქნეს შემდეგი რედაქციით და დაემატოს მას შენიშვნა შემდეგი შინაარსისა:

2. სათემო აღმასრულებელ კომიტეტს დაეკისროს შემდეგი სანოტარო ფუნქციებზე:

ა) დამოწმება ყოველგვარი ხელშეკრულებისა ცალკე მოქალაქეთა შორის, სრულ ამხანაგობათა და ნდობის ამხანაგობათა ხელშეკრულებების გამოკლებით;

ბ) დამოწმება ხელშეკრულებებისა, რომლებსაც ქვედა საფეხურის კოოპერატიული ორგანიზაციები (სასოფლო-სამეურნეო, სამომხმარებლო, საკრედიტო ამხანაგობა, არტელი და სხვ.), საადგილ-მამულო საზოგადოებები და გლეხთა ურთიერთი დამხმარე კომიტეტები დასდებენ როგორც ერთმანეთ შორის, ისე ცალკე მოქალაქეთანაც, და აგრეთვე ხელშეკრულებებისა საგლეხო მეურნეობათა მიერ თავისი მეურნეობის პროდუქტების სახელმწიფო დაწესებულება-საწარმოთათვის ყიდვა-მიწოდების შესახებ;

გ) დამოწმება ხელშეკრულებებისა ფოსტის ადგილობრივი ორგანოებისა და გლეხებს შორის ფოსტის გადაზიდვის შესახებ, როდესაც ხელშეკრულების თანხა 3.000 მან. არ აღემატება;

დ) მოხდენა თამასუქის პროტესტისა იმ შემთხვევაში, როდესაც ფულის გადახდა სათანადო თემის რაიონში უნდა მოხდეს, და ამ თამასუქზე აღსრულების წარწერის გაკეთება;

ე) შემოწმება ხელმონაწერისა წერა-კითხვის უცოდინარის ნაცვლად ყოველგვარ ვალდებულებაზე და სხვა დოკუმენტზე;

ვ) დადასტურება საფოსტო კორესპონდენციის მიმღების ვინაობისა და შემოწმება ხელმონაწერისა განცხადებაზე, უწყებაზე და სხვა დოკუმენტზე;

ზ) შემოწმება დოკუმენტის ასლის სისწორისა.

შენიშვნა. ამა მუხლის „დ“ პუნქტში აღნიშნულ მოქმედებას სათემო აღმასრულებელი კომიტეტი შეასრულებს იმ შემთხვევაში, როდესაც ერთი მხარე მაინც მუდმივად სცხოვრობს სათანადო თემის რაიონში“.

3. აღნიშნული დადგენილების მე-3 მუხლი მიღებულ იქნეს შემდეგი რედაქციით:

3. გარიგებათა დამოწმება და ხელმონაწერისა და დოკუმენტის ასლის სისწორის შემოწმება მოხდება სათანადო წარწერით დასამოწმებელ და შესამოწმებელ დოკუმენტებზე და ბეჭდის დასპით.

4. ზემოაღნიშნულ დადგენილებიდან ამოიშალოს მე-5 მუხლი.

II

წინადადება მიეცეს იუსტიციის სახალხო კომისარიატს, ფინანსთა სახალხო კომისარიატთან შეთანხმებით, გამოსცეს ერთი თვის ვადაზე სათემო აღმა-

სრულდებელი კომიტეტების სახელმძღვანელოდ ინსტრუქცია მათ მიერ ამა დადგენილებით გათვალისწინებულ სანოტარო მოქმედებათა შესრულების წესის შესახებ.

სრულიად საქართველოს ცენტრალური აღმასრულებელი კომიტეტის თავმჯდომარის მაგ. თ. უდენტი.

საქართველოს სსრ სახალხო კომისართა საბჭოს თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმასრულებელი კომიტეტის მდივნის მაგ. დ. ქუჩულორია.

1929 წ. სექტემბრის 14.

ტფილისი-სასახლე.

209. დ ა დ გ ე ნ ი ლ ე ბ ა ც. ა. კ. და ს. კ. ს.

„სსრკ-ის საზღვარგარედ მომქმედ დაწესებულებასა და საწარმოში მომუშავე სპეციალისტების საცხოვრებელი სივრცით უზრუნველყოფისათვის მისაღებ ღონისძიებათა თაობაზე“ გამოცემული დადგენილების სათაურისა და 1-ლი მუხლის შეცვლის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. „სსრკ-ის საზღვარგარედ მომქმედ დაწესებულებასა და საწარმოში მომუშავე სპეციალისტების საცხოვრებელი სივრცით უზრუნველყოფისათვის მისაღებ ღონისძიებათა შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1928 წ. ივლისის 11-ს თარიღისა და 53 №-ის დადგენილების (საქართველოს სსრ კან. კრ. 1928 წ. მე-11 №-რი, მუხ. 104) 1-ლი მუხლი შეიცვალოს და მიღებულ იქნეს შემდეგი რედაქციით:

„მუხ. 1. იმ სპეციალისტს, რომელიც საზღვარგარედ გაიგზავნება სსრკ-ის საგარეო ვაჭრობისა და შინა-ვაჭრობის სახალხო კომისარიატის ორგანოებში და სსრკ-ის სხვა საგარეო ორგანიზაციებში სამუშაოდ, აგრეთვე დიპლომატიური მოღვაწეობისათვის საზღვარგარედ წარვლინებულ თანამდებობის პირს—შენარჩუნება მის მიერ საზღვარგარედ წარვლინებამდე დაჭერილი საცხოვრებელი სივრცე მთლად იმ ხნის განმავლობაში, რაც აღნიშნული პირი წარვლინებულ იქნება საზღვარგარედ, ან რა ხნითაც სსრკ-ის საზღვარგარედ მომქმედი დაწესებულება თუ ორგანიზაცია დასდებს მასთან შრომის ხელშეკრულებას“.

2. ზემოაღნიშნული დადგენილების სათაური მიღებულ იქნეს შემდეგი რედაქციით:



„სსრკ-ის სახლდვარგარედ მომქმედ დაწესებულებათა და საწარმოთა მომუშავეების საცხოვრებელი სივრცით უზრუნველყოფისათვის საჭირო ღონისძიებათა შესახებ“.

სრულიად საქართველოს ცენტრალური აღმასრულებელი კომიტეტის თავმჯდომარის მაგ. თ. ჟღენტი.

საქართველოს სოც. საბჭ. რესპ. სახალხო კომისართა საბჭოს თავმჯდომარის მოადგ. გ. მგალობლიშვილი.

სრულიად საქართველოს ცენტრალური აღმასრულებელი კომიტეტის მდივნის მაგ. დ. ქუჩულოვია.

1929 წ. სექტემბრის 14.

ტფილისი—სასახლე.

210. დ ა დ გ ე ნ ი ლ ე ბ ა ც.ა.ა. და ს.ა.ს.

სახლის დროებითი მდგმურებისა და სახლიდან დროებით წასული მდგმურებისათვის საცხოვრებელ სივრცეზე შენარჩუნების პირობების დებულების დამატების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I. სახლის დროებითი მდგმურების შესახებ და სახლიდან დროებით წასული მდგმურებისათვის საცხოვრებელ სივრცეზე უფლების შენარჩუნების პირობების შესახებ 1928 წ. აპრილის 25-ს თარიღით გამოცემული დებულების (საქართველოს სსრ კან. კრ. 1928 წ. მე-15 №-რი, მუხ. 143) მე-5 მუხლს დაემატოს პუნქტი „თ“ შემდეგი შინაარსისა:

„თ) ხელოვნების მომუშავეს—პროფესიონალური კავშირის წევრს, დროებით სამუშაოდ წასულს—ექვსი თვის ვადით“.

II. ამავე დებულების მე-7 მუხლს დაემატოს პუნქტი „ე“ შემდეგი შინაარსისა:

„ე) ხელოვნების მომუშავემ, დროებით სამუშაოდ წასულმა-ხელოვნების მომუშავეთა ცენტრალური საშუამავლო ბიუროს განყოფილებაში რეგისტრირებული თავისი ინდივიდუალური ხელშეკრულების ასლი ან იმავე ორგანიზაციის სათანადო ცნობა“.

სრულიად საქართველოს ცენტრალურ აღმასრულებელი კომიტეტის თავმჯდომარის მაგ. თ. ჟღენტი.

საქართველოს სსრ სახალხო კომისართა საბჭოს თავმჯდომარის მოადგილე გ. მგალობლიშვილი.

სრულიად საქართველოს ცენტრალური აღმასრულებელი კომიტეტის მდივნის მაგ. დ. ქუჩულოვია.

1929 წ. სექტემბრის 14.

ტფილისი-სასახლე.

211. დ ა დ გ ე ნ ი ლ ე ბ ა ც. ა. კ. დ ა ს. კ. ს.

სართველოს სოც. საბჭ. რესპუბლიკის სისხლის სამართლის* კოდექსისათვის
 106¹ მუხ. დამატების შესახებ.

სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ „შინაურული არაყის გამოხდის წინააღმდეგ ბრძოლის გაძლიერების შესახებ“ 1927 წ. დეკემბრის 27-ს თარიღით გამოცემული დადგენილების (სსრკ კან. კრ. 1929 წ. მე-2 №-რი, მუხ. 14) თანახმად და სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10 თარიღისა და 77 №-ის დადგენილების (კან. კრ. 1924 წ. № 1, მუხ. 7) მე-2 მუხლის წესისამებრ—სრულიად საქართველოს ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ.

საქართველოს სოც. საბჭ. რესპუბლიკის სისხლის სამართლის კოდექსს დამატოს 106¹ მუხლი შემდეგი შინაარსისა:

მუხ. 106¹. შინაურული არაყის გამოხდა და შენახვა გასაღების მიზნით და გასაღება, უკეთეს ეს ხელობის სახით ხდება, და აგრეთვე შინაურული არაყის გამოხდისათვის საჭირო სპეციალური აპარატების ხელობის სახით დამზადება, შენახვა, შეკეთება და გასაღება გამოიწვევს თავისუფლების აღკვეთას ან იძულებით მუშაობას ერთ წლამდე; ან და ჯარიმას ხუთას მანეთამდე, შინაურულად გამოხდილი არყისა, მის გასაკეთებელი იარაღისა და აპარატების კონფისკაციით.

შინაურული არაყის გამოხდა და შენახვა არა გასაღების მიზნით და თვით გასაღება, უკეთეს ეს ხელობად არ არის გადაქცეული, და აგრეთვე შინაურული არაყის გამოხდისათვის საჭირო სპეციალური აპარატების დამზადება, შენახვა შეკეთება და გასაღება არა ხელობის სახით გამოიწვევს ადმინისტრატიული წესით

იძულებით მუშაობას ერთ თვემდე ან ჯარიმას ას მანეთამდე.

სრულიად საქართველოს ცენტრალური აღმასრულებელი კომიტეტის თავმჯდომარის მაგ. თ. ჟღენტი.

საქართველოს სსრ სახალხო კომისართა საბჭოს თავმჯდომარის მოადგილე გ. მგალოზლიშვილი.

სრულიად საქართველოს ცენტრალური აღმასრულებელი კომიტეტის მდივნის მაგ. დ. ქუჩულორია.

1929 წ. სექტემბერი 14.

ტფილისი—სასახლე.



სახალხო კომისართა საბჭოს დადგენილებანი.

212. დადგენილებანი ს. კ. ს.

ნარკოტიულ ნივთიერებათა წარმოება-ვაჭრობის მოსაწესრიგებლად გამოქვეყნებული ა/კსფსრ სახალხო კომისართა საბჭოს 1928 წ. ნოემბრის 10-ს დადგენილების შეფარდებისათვის გამოცემული ინსტრუქციის მე-7 მუხლის ქართული ტექსტის რედაქციის შეცვლის შესახებ.

მე-7 მუხლის ქართული ტექსტი საქართველოს სსრ სახალხო კომისართა საბჭოს 1929 წლის აპრილის 2-ს დადგენილებით დამტკიცებული ინსტრუქციისა „ნარკოტიულ ნივთიერებათა წარმოება-ვაჭრობის მოწესრიგებისათვის“ გამოცემული ა/კსფსრ სახალხო კომისართა საბჭოს 1928 წ. ნოემბრის 10-ს დადგენილების შესაფარდებლად (საქართველოს სსრ კან. კრ. 1929 წ. მე-9 №-რი, მუხ. 77 და გაზ. „კომუნისტი“ 103 №-რი 1929 წ. მაისის 9-სა) შეიცვალოს და მიღებულ იქნეს შემდეგი რედაქციით:

„მუხ. 7 ნარკოტიული პრეპარატის განმეორებით გაცემის დროს რეცეპტი ხელმეორედ უნდა შეამოწმოს ექიმმა ამა ინსტრუქციის მე-4 და 5 მუხლებში გათვალისწინებული წესის დაცვით“.

საქართველოს სსრ სახალხო კომისართა საბჭოს
თავმჯდომარის მოადგ. გ. მაკალაძე-შვილი.

საქართველოს სსრ სახალხო კომისართა
საბჭოს საქმეთა მმართველი პ. შვერელი-შვილი.

1929 წ. აგვისტოს 6.
ტფილისი—სასახლე.

გამოქვეყნებულია გაზ. „კომუნისტი“ 226 №-ში 1929 წ. აგვისტოს 6.

213. დადგენილებანი ს. კ. ს.

საექსკურსიო-სატურისტო სააქციო საზოგადოება „ტურისტი“-ს ადგილობრივი გადასახადისა და გამოსაღებისაგან, აგრეთვე სასამართლო ბაჟისა და სანოტარო გამოსაღებისაგან განთავისუფლების შესახებ.

საქართველოს სსრ სახალხო კომისართა საბჭო ადგენს:

1. განთავისუფლებულ იქნეს ყველა ადგილობრივი გადასახადისა და გამოსაღებისაგან საექსკურსიო-სატურისტო სააქციო საზოგადოება „ტურისტი“, მისი ადგილობრივი ორგანიზაციები და აგრეთვე ყველა მისი კუთვნილი ან



იჯარით აღებული საწარმო, რომლის დანიშნულებაც ტურისტებისა და ექსკურსანტებისათვის მომსახურების გაწევაა (საექსკურსიო ბაზა, დახურული ტიპის სასადილო, სადაც მაგარი სასმელი არ იყიდება, კიოსკი, სადაც სატურიზმო წიგნები და სატურიზმო სპეციალური საგნები იყიდება, აგრეთვე ისეთი საწარმო, რომელიც მომსახურებას უწევს ტურისტებსა და ექსკურსანტებს სატრანსპორტო საშუალებათა მიწოდებით), უკეთუ ამ საწარმთა ექსპლოატაციას უშუალოდ თვით საზოგადოება ეწევა, იჯარით გაუცემლად.

2. განთავისუფლებულ იქნეს იგივე სააქციო საზოგადოება „ტურისტი“

ა) სასამართლო ბაჟისაგან და

ბ) სანოტარო გამოსაღებისაგან ყველა იმ ხელშეკრულებისა, გარიგებისა და დოკუმენტისათვის, რაც დადებულ იქნება საზოგადოების წესდებით გათვალისწინებული მიზნის განსახორციელებლად.

საქართველოს სსრ სახალხო კომისართა საბჭოს

თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა

საბჭოს საქმეთა მმართველი პ. მეგრელიშვილი.

1929 წ. აგვისტოს 6.

ტფილისი—სასახლე.

214. დ ა დ გ ე ნ ი ლ ე ბ ა ს. ა. ს.

ბინების სანიტარული დაცვის შესახებ.

საქართველოს სსრ მოსახლეობის საბინაო პირობების გასაუმჯობესებლად და დასახლებულ ადგილებში საცხოვრებელი სადგომების სანიტარული-მდგომარეობისათვის ზედამხედველობის გასაწევად, აგრეთვე „სასანიტარო ორგანოების შესახებ“ გამოცემული საქართველოს სსრ სახალხო კომისართა საბჭოს 1925 წლ. დეკემბრის 3-ის დადგენილების 1 მუხ. „ბ“ პ. და მე-4 მუხ. „ა“ პუნქტის (კან. კრებ. 1925 წ. № 3, მუხ. 111) განსავითარებლად—საქართველოს სსრ სახალხო კომისართა საბჭო ადგენს:

1. რესპუბლიკის ყველა დასახლებულ ადგილას საცხოვრებელ სადგომებს საბინაო-სასანიტარო ზედამხედველობას უწევს სპეციალური საბინაო-სასანიტარო ინსპექცია.

2. საბინაო-სასანიტარო ინსპექციის მიზანს შეადგენს:

ა) გამოიკვლიოს მოსახლეობის საბინაო-სასანიტარო პირობები და შეიმუშაოს ამ პირობების გაუმჯობესებისათვის საჭირო ღონისძიებანი;

ბ) აწარმოოს საბინაო-სასანიტარო სტატისტიკა სტატისტიკურ დაწესებულებათა საერთო ხელმძღვანელობით;

გ) მონაწილეობა მიიღოს საქალაქო და სასოფლო მშენებლობის გეგმებისა და საბინაო მშენებლობის სხვა საერთო საკითხების შემუშავებაში;

დ) მონაწილეობა მიიღოს ახალ შენობათა გეგმების განხილვაში, დასკვნა მისცეს ამ გეგმების შესახებ და დაათვალიეროს წინასწარ ახლად აგებული საცხოვრებელი სადგომები მათი სანიტარული და მშენებლობითი ვარჯისიანობის გამოსარკვევად;

ე) მუდმივი ზედამხედველობა გაუწიოს საბინაო-სასანიტარო წესების შესრულებას;

ვ) ხელი შეუწყოს საცხოვრებელ სადგომებში მოსახლეობის ხელმოკლე ჯგუფების სათანადო განსახლების საქმეს;

ზ) მონაწილეობა მიიღოს საბინაო საკითხის სფეროში წარმოებულ სასანიტარო-საგანმანათლებლო მუშაობაში.

3. საბინაო სასანიტარო ინსპექციის გამგებლობის საგანს შეადგენს ზედამხედველობის გაწევა როგორც კერძო, ისე საზოგადო სარგებლობის ყველა საცხოვრებელი სადგომისათვის, რაც დანიშნულია მუდმივ საცხოვრებლად ან ღამის გასათევად.

4. თავის მოვალეობათა შესასრულებლად საბინაო-სასანიტარო ინსპექციის, იმ საერთო უფლების გარდა, რაც გათვალისწინებულია „სასანიტარო ორგანოების შესახებ“ გამოცემული სახალხო კომისართა საბჭოს 1925 წლის დეკემბრის 3 დადგენილების მე-5 მუხლით, უფლება აქვს:

ა) თავისუფლად შევიდეს ყველა საცხოვრებელ სადგომში დილის 8 საათიდან საღამოს 8 საათამდე.

შენიშვნა. საცხოვრებელ სადგომებში ან საზოგადო სარგებლობის შენობაში (საერთო საცხოვრებელი სახლი, ღამის სათივე სახლი და სხვ.) შესვლისათვის დრო განსაზღვრული არ არის რა საათიც უნდა იყოს დღით თუ ღამით.

ბ) წერილობით მოსთხოვოს საცხოვრებელი სადგომების სანიტარული მდგომარეობისათვის პასუხისმგებელ პირთ და დაწესებულებათა—თავიდან აიცილონ, განსაზღვრულ ვადაზე, აღმოჩენილი დარღვევა სასანიტარო წესებისა;

გ) აღძრას, თუ საჭირო იქნება, საკითხი საცხოვრებლად გამოუსადეგვი სადგომის დახურვის ან ახლად აგებულ უფარვის შენობაში ჩასახლების აკრძალვის შესახებ;

დ) პასუხისმგებაში მისცეს კერძო პირი თუ დაწესებულება საბინაო-სასანიტარო ზედამხედველობის წესების დარღვევისათვის.

5. საბინაო-სასანიტარო ზედამხედველობის ორგანიზაციისა და საერთო ხელმძღვანელობის საქმის განაგებს ჯანმრთელობის სახალხო კომისარიატი.

6. წესებსა და ინსტრუქციებს საბინაო, სატექნიკო, სასანიტარო და სხვა ორგანოთა შორის ურთიერთობის მოსაწესრიგებლად შეიმუშავენებს ჯანმრთელობის სახალხო კომისარიატი—შინაგან საქმეთა სახალხო კომისარიატთან, სახალხო მეურნეობის უმაღლეს საბჭოსთან და საქართველოს სსრ ეკონომიურ საბჭოსთან არსებულ სამშენებლო-სატექნიკო კომიტეტთან შეთანხმებით.

საქართველოს სსრ სახალხო კომისართა საბჭოს

თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა საბჭოს საქ-

მეთა მმართველი პ. მეგრელიშვილი.



215. დ ა დ გ ე ნ ი ლ ე ბ ა ს. კ. ს.

საქართველოს სსრ განათლების სახალხო კომისარიატთან არსებული სახელმწიფო სამეცნიერო საბჭოს დებულების დამტკიცების შესახებ.

საქართველოს სსრ სახალხო კომისართა საბჭო აღგენს:

დამტკიცებულ იქნეს შემდეგი „დებულება საქართველოს სსრ განათლების სახალხო კომისარიატთან არსებული სახელმწიფო სამეცნიერო საბჭოს შესახებ“.

საქართველოს სსრ სახალხო კომისართა საბ-

ჭოს თავმჯდომარის მოადგ. გ. მგალობლიშვილი.

საქართველოს სსრ სახალხო კომისართა საბ-

ჭოს საქმეთა მმართველი პ. მეგრელიშვილი.

1929 წ. აგვისტოს 20.

ტიფლისი—სასახლე.

დ ე ბ უ ლ ე ბ ა

საქართველოს სსრ განათლების სახალხო კომისარიატთან არსებული სახელმწიფო სამეცნიერო საბჭოს შესახებ.

1. სახელმწიფო სამეცნიერო საბჭო არის განათლების სახალხო კომისარიატის ორგანო, რომელიც უშუალოდ ემორჩილება კოლეგიას და საერთო ხელმძღვანელობას უწევს განათლების დარგში იდეოლოგიურ და მეოოლიურ მუშაობას და ამ მხრით ანხორციელებს კონტროლს სახალხო განათლების ორგანოების მიმართ.

2. სახელმწიფო სამეცნიერო საბჭო:

ა) დაამყარებს, კოლეგიის დასტურით, საგანმანათლებლო პოლიტიკის ძირითად საფუძვლებს;

ბ) გადასწყვეტს საგანმანათლებლო მუშაობის პროცესში აღძრულ პრინციპულ საკითხებს და გასცემს ამ საკითხების გამო კონკრეტულ დირექტივებს;

გ) მისცემს განათლების ორგანოებს საერთო დირექტივებს სასწავლო გეგმისა და პროგრამების შესადგენად;

დ) გასცემს დირექტივებს შესამუშავებელი და გამოსაცემი სახელმძღვანელოებისა და დამხმარე სასწავლო წიგნების ხასიათისა და ტიპის შესახებ;

ე) კონტროლს გაუწევს განათლების ორგანოების იდეოლოგიურ და მეთოდურ მუშაობას და განიხილავს ამ მუშაობის შედეგს როგორც მთლიანად, ისე ცალკე საკითხების ფარგლებში;

ვ) წარმართავს და კონტროლს გაუწევს იდეოლოგიური და მეთოდური მხრით სხვა უწყებათა იმ ორგანოების მუშაობას, რომელნიც საქართველოს სსრ ტერიტორიაზე ხელმძღვანელობას უწევენ სასწავლებლებს;

ზ) დაამტკიცებს აკადემიურ თანამდებობაზე არჩეულ კანდიდატებს საამისოდ მომქმედ კანონის თანახმად;

თ) ხელმძღვანელობას გაუწევს სამეცნიერო დარგის ახალგაზრდა მომუშავეთა (ასპირანტების) შერჩევისა და მომზადების საქმეს, განსაზღვრავს მათ რიცხვს და გაანაწილებს მათ სამეცნიერო-სასწავლო და სამეცნიერო საკვლევო დაწესებულებათა შორის.

3. სახელმწიფო სამეცნიერო საბჭოს უფლება აქვს:

ა) წარუდგინოს განათლების სახალხო კომისარიატის კოლეგიას ესა თუ ის წინადადება თავისი კომპეტენციის მიხედვით;

ბ) გამოსცეს დადგენილებანი, რაც სავალდებულოა განათლების სახალხო კომისარიატის დაწესებულებათა და ადგილობრივ ორგანოთათვის;

გ) მიანდოს განათლების სახალხო კომისარიატის დაწესებულებებსა და ადგილობრივ ორგანოებსა, სამეცნიერო ინსტიტუტებსა და კერძო პირებს ცალკეული საკითხების შემუშავება;

დ) მოსთხოვოს განათლების ორგანოებს ყველა საჭირო ცნობისა, ანგარიშისა და მოხსენების წარდგენა;

ე) მიანდოს თავის წევრებს ცალკე დაწესებულებათა ან მათი მუშაობის რომელიმე დარგის გამოკვლევა.

4. სახელმწიფო სამეცნიერო საბჭო ვადანწყვეტს საკითხებს სესიაში, რომელიც მოიწვევა საჭიროებისდამიხედვით, ხოლო არანაკლებ, ვიდრე წელიწადში ოთხჯერ. სესიებისავე წესით მუშაობენ როგორც სახელმწიფო სამეცნიერო საბჭოს პლენუმი, ისე მისი სექციები (მუხ. 6.).

5. სახელმწიფო სამეცნიერო საბჭოს სათავეში სდგას თავმჯდომარე (განათლების სახალხო კომისარი) და პრეზიდიუმი, რომლის შედგენილობასაც ამტკიცებს განათლების სახალხო კომისარიატის კოლეგია.

სახელმწიფო სამეცნიერო საბჭოს პრეზიდიუმი მუდმივ მომუშავე ორგანოა და მისი გამგებლობის საგანს შეადგენს:

ა) სახელმწიფო სამეცნიერო საბჭოს სესიების მომზადება;

ბ) სესიიდან სესიამდე ისეთი საკითხების გადაწყვეტა, რაც სახელმწიფო სამეცნიერო საბჭოს კომპეტენციას შეადგენს, და რის გადადებაც უშუალებელია;

გ) სახელმწიფო სამეცნიერო საბჭოს პლენუმისა და სექციების სამუშაოთა გეგმის შედგენა.

6. სახელმწიფო სამეცნიერო საბჭო შესდგება სამი სექციისაგან:

ა) სამეცნიერო-პოლიტიკური სექციისაგან, რომელიც ხელმძღვანელობას უწევს პოლიტიკური განათლებისა და საზოგადოებრივ მეცნიერობათა დარგში მუშაობას და აგრეთვე ამ მეცნიერებათა სწავლებას ყოველგვარ საგანმანათლებლო დაწესებულებაში;

ბ) სამეცნიერო-საპედაგოგო სექციისაგან, რომელიც ხელმძღვანელობას უწევს მუშაობას ბავშთა და მოზარდთა ყველა ტიპის სკოლასა და დაწესებულებაში აღზრდისა და სწავლების საქმეში;

გ) სამეცნიერო-ტექნიკური სექციისაგან, რომელიც ხელმძღვანელობას უწევს მუშაობას ყველა სახის სპეციალისტების მომზადებისა და საბუნებისმეტყველო, ზუსტ და გამოყენებით მეცნიერებათა განვითარების საქმეში;

შენიშვნა 1. სახელმწიფო სამეცნიერო საბჭოსთან არსებობს ეროვნულ უმცირესობათა განათლებისათვის მუდმივი მეთოდური კომისია, რომელიც ხელმძღვანელობას უწევს მუშაობას, საქართველოს სსრ ეროვნულ უმცირესობათა კულტურის განვითარების საქმეში.

შენიშვნა 2. სექციების თავმჯდომარეებს დანიშნავს განათლების სახალხო კომისარიატის კოლეგია.

7. სახელმწიფო სამეცნიერო საბჭოს წევრებს დანიშნავს (სექციების მიხედვით), ერთი წლის ვადით, სახელმწიფო სამეცნიერო საბჭოს პრეზიდიუმის წარდგენით, განათლების სახალხო კომისარიატის კოლეგია. სახელმწიფო სამეცნიერო საბჭოს წევრებად დაინიშნებიან განათლების სხვადასხვა დარგის გამოჩენილი თეორეტიკოსები, პრაქტიკოსები და საზოგადო მოღვაწეები.

8. სახელმწიფო სამეცნიერო საბჭოს ჰყავს სეკრეტარიატი, რომლის სათავეშიაც სდგას სახელმწიფო სამეცნიერო საბჭოს მეცნიერი მდივანი; იგი უშუალოდ თავმჯდომარეს ემორჩილება.

216. დ ა დ გ ე ნ ი ლ ე ბ ა ს.კ.ს.

სასოფლო სამეურნეო პროდუქციის მწარმოებლებთან სასოფლო-სამეურნეო საკრედიტო ამხანაგობათა მეშვეობით ანგარიშის გასწორების წესის დამყარების შესახებ.

სასოფლო-სამეურნეო საკრედიტო ამხანაგობებში ანაბარების შეტანის გაძლიერებისათვის, მოსახლეობის სახსართა მობილიზაციისათვის და სასოფლო-სამეურნეო საკრედიტო ამხანაგობათა მიერ გაცემულ ვადაგადაცილებულ სესხთა ლიკვიდაციისათვის—საქართველოს სსრ სახალხო კომისართა საბჭო ადგენს:

საპიროდ იქნეს ცნობილი, რათა დამყარდეს შემდეგი წესი ანგარიშის გასწორებისა იმ სასოფლო-სამეურნეო პროდუქციისათვის, რასაც მოსახლეობა ჩააბარებს დამმზადებელ ორგანიზაციებსა და სპეციალურ კოოპერატივებს:

1. ყოველგვარი ანგარიშის გასწორებას იმ ინდივიდუალურ მწარმოებლებთან და კოლექტიურ ორგანიზაციებთან, რომელნიც აბარებენ დამმზადებელ ორგანიზაციებსა და სპეციალურ კოოპერატივებს სასოფლო-სამეურნეო პროდუქციას (აბრეშუმის ჭიის პარკი, თამბაქო, ჩაი, თხილი და სხვა), აწარმოებენ სათანადო რაიონების სასოფლო-სამეურნეო საკრედიტო ამხანაგობანი.

2. დამმზადებელი ორგანიზაციისა და სპეციალური კოოპერატივის სალარო გადაეცემა სასოფლო-სამეურნეო საკრედიტო ამხანაგობას და იგი ვალდებულია

აღნიშნული ორგანიზაციის სახელობითი ორდერი და მისივე ანგარიშით გადა-
უხადოს მწარმოებელთ ის თანხები, რაც მათ ერგებათ კონტრაქტაციით და
გასასაღებელი ოპერაციით ჩაბარებული პროდუქციისათვის ამხანაგობის მიერ
ორგანიზაციისაგან მიღებული თანხების ფარგლებში.

3. დამმზადებელი ორგანიზაცია, საქართველოს სასოფლო-სამეურნეო ბან-
კთან წინასწარი შეთანხმებით, დასდებს სასოფლო-სამეურნეო საკრედიტო ამხა-
ნაგობასთან ხელშეკრულებას, რომელითაც გათვალისწინებულ უნდა იქნეს მინი-
მალური საკომისიო გასამრჯელო სასოფლო-სამეურნეო საკრედიტო ამხანაგობის
სასარგებლოდ მის მიერ საშუამავლო მომსახურეობის გაწვევისათვის; ეს საკომი-
სიო გასამრჯელო ისეთი რაოდენობისა უნდა იყოს, რომ დამმზადებელი ორგა-
ნიზაციისა და სპეციალური კოოპერატივისათვის ხელსაყრელი გახდეს გადასცეს
ამხანაგობას თავის ანგარიშგასწორების ოპერაციები და ამით შეამციროს თავისი
ხარჯები, რაც საჭიროა მოლარის შესანახად და სხვ.

4. სასოფლო-სამეურნეო საკრედიტო ამხანაგობის მეშვეობით ანგარიშის
გასწორება სავალდებულოა მხოლოდ იმ რაიონისათვის, რომელიც დაშორებულია
საკრედიტო ამხანაგობაზე არა უმეტეს, ვიდრე 6 ვერსით და როდესაც შესყიდვა
სწარმოებს კარდაკარ წვრილ-წვრილი პარტიობით (მაგალითად კვეციხის დამ-
ზადება), იმ შემთხვევის გარდა, როდესაც ამა თუ იმ სოფლის გლეხები ხელსაყ-
რელად მიიჩნევენ ანგარიშის გასწორებას ცენტრალიზებული წესით.

5. საქართველოს სასოფლო-სამეურნეო ბანკი, დამმზადებელ ორგანიზაცი-
ებთან (აბრეშუმის ტრესტი, „საქართველოს ჩაი“, „საქართველოს სახელმწიფო
ვაკრობა“, საქართველოს საბჭოთა მეურნეობის ტრესტი, „საქართველოს ღვინო“
და სხვ.) დადებული ხელშეკრულების ძალით, პასუხისმგებელია მათ წინაშე იმ
სახსართა დაცვისათვის, რასაც დამმზადებელი ორგანიზაციები სასოფლო-სამე-
ურნეო ამხანაგობათ გადასცემენ, აგრეთვე პროდუქციის ჩამბარებელთან ანგა-
რიშის თავის დროზე გასწორებისათვის და სხვა ნაკისრებ ვალდებულებათათვის.

საქართველოს სსრ სახალხო კომისართა საბჭოს

თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა

საბჭოს საქმეთა მმართველი პ. მეგრელიშვილი.

1929 წ. აგვისტოს 27.

ტფილისი—სასაზღვ.

217. დ ა დ გ ე ნ ი ლ ე ბ ა ს. კ ს.

სამედიცინო და სავეტერინარო დარგის მომუშავეთა, აგრეთვე სასოფლო და
სატყეო მეურნეობის სპეციალისტთა მდგომარეობის გაუმჯობესების ღონის-
ძიებათა შესახებ.

სოფლად და მუშებით დასახლებულ ადგილებში სამუშაოდ სამედიცინო
და სავეტერინარო დარგების კვალიფიციურ მომუშავეთა, აგრეთვე სასოფლო და

სატყეო მეურნეობის სპეციალისტთა ჩასაბმელად და „შრომის ბაზრის მოწესრიგებისა, აგრეთვე სამედიცინო და სავეტერინარო დარგის მომუშავეებისა და სოფლისა და ტყის მეურნეობის სპეციალისტების მდგომარეობის გაუმჯობესების ღონისძიებათა შესახებ“ გამოცემული ამინერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოს 1929 წ. მარტის 25-ს დადგენილების (ა/კფსრ კან. კრ. 1929 წ. მე-6 №-რი მუხ. 55) მე-5 მუხლის შესასრულებლად—საქართველოს სსრ სახალხო კომისართა საბჭო ადგენს:

1. უფლება მიეცეს ყველა სახელმწიფო და საზოგადოებრივ დაწესებულებასა და საწარმოს, როდესაც იგი სოფლად და მუშებით დასახლებულ ადგილებში სამუშაოდ მიიწვევს სამედიცინო, სავეტერინარო და აგრონომიული დარგის მომუშავეთ უზნის გამგის თანამდებობაზე, აგრეთვე როდესაც იგი მიიწვევს უბნებში სამუშაოდ სასოფლო და სატყეო მეურნეობის სპეციალისტთ, რომელთაც უმაღლესი სასწავლებელი და ტენიკები დაუშთავრებიათ, დასდოს მათთან შეთანხმება მორიგი შევებულების ერთ ივემდე ვაგარძელების შესახებ, სამი წლისთვის შევებულების შეჯამების უფლებით.

2. დაევალოს ადგილობრივ აღმასრულებელ კომიტეტებს მიიღონ ღონისძიება, რათა მათ გამგებლობაში მყოფი უბნები და სკოლები, სადაც ამა დადგენილების 1-ლ მუხლში აღნიშნული კატეგორიების მომუშავენი მუშაობენ, უზრუნველყოფილ იქნენ სათანადო სპეციალური ლიტერატურით.

3. ამა დადგენილების 1-ლ მუხლში აღნიშნულ მომუშავეთ, რომელთაც სოფლად ან მუშებით დასახლებულ ადგილებში შეუწყვეტლივ სამი წელიწადი მაინც უმუშავნიათ, მიეცეს, კვალიფიკაციის თანასწორობის პირობებში, უპირატესი უფლება თანამდებობის ქალაქად მიღებისა.

4. დაევალოს ცენტრალურ სახელმწიფო დაწესებულებებსა და ადგილობრივ აღმასრულებელ კომიტეტებს გაითვალისწინონ ყოველწლივ თავიანთ ბიუჯეტში სახსარი, რაც საჭირო იქნება ამა დადგენილებაში აღნიშნულ ღონისძიებათა განხორციელებით გამოწვეული ხარჯების დასაფარავად.

5. დაევალოს მთავრობის ყველა განუთის გამოცემლობას უსასყიდლოდ მოათავსოს განუთში ა/კფსრ შრომის სახალხო კომისარიატისა, ა/კფსრ-ში შემავალი რესპუბლიკების შრომის სახალხო კომისარიატებისა და ამ უკანასკნელთა ადგილობრივი ორგანოების განცხადებანი ამა დადგენილების 1 მუხლში აღნიშნულ მომუშავეთა შრომისადმი მოთხოვნისა და დაკმაყოფილების შესახებ.

6. წინადადება მიეცეს იუსტიციის სახალხო კომისარიატს—დააწესოს, რომ ყოველთვის, როდესაც კი სათანადო სასამართლოში ირჩევა სამედიცინო და სავეტერინარო დარგის მომუშავის ისეთი სისხლის სამართლის დანაშაულის საქმე, რაც დაკავშირებულია ამ მომუშავის სამსახურებრივი მოვალეობის შესრულებასთან სოფლად ან მუშებით დასახლებულ ადგილას, სასამართლომ აუცილებლად მიიწვიოს იმავე პროფესიის სახალხო მსაჯული, უკეთეს იგი ირიცხება ამ სასამართლოს სახალხო მსაჯულთა სიაში.

7. ეს დადგენილება და აგრეთვე საქართველოს სსრ სახალხო კომისართა საბჭოს 1929 წ. ივნისის 4-ის დადგენილება „სამედიცინო და სავეტერინარო

დარგის მომუშავეთა და აგრეთვე სასოფლო და სატყეო მეურნეობის სპეციალისტთა შეილები სასწავლებლებში მიღების მხრით მუშათა შეილებთან გათანაწორების შესახებ“ (კან. კრ. 1929 წლ. № 13, მუხ. 142) გავრცელებულ იქნეს ამა დადგენილების 1 მუხლში აღნიშნულ მომუშავეთა შორის ისეთებზედაც, ვინც სამუშაოდ მიწვეული იქნება სამაზრო ქალაქის იმ უბანში, რომელიც მომსახურეობას სოფლის მოსახლეობას უწყეს.

საქართველოს სსრ სახალხო კომისართა
საბჭოს თავმჯდომარის მოადგილე გ. მგალობლიშვილი.

საქართველთს სსრ სახალხო კომისართა
საბჭოს საქმეთა მმართველი პ. მეგრელიშვილი.

1929 წ. სექტემბრის 3.

ტფილისი—სასახლე.

218. დ ა დ გ ე ნ ი ლ ე ბ ა ს. კ. ს.

საერთო-სახელმწიფოებრივი და ადგილობრივი მნიშვნელობის კურორტებისათვის საგადასახადო შეღავათების მინიჭების შესახებ.

საქართველოს სსრ სახალხო კომისართა საბჭო ადგენს:

1. განთავისუფლებულ იქნეს 1928-29 და 1929-30 საბიუჯეტო წლებში საერთო-სახელმწიფოებრივი და ადგილობრივი მნიშვნელობის კურორტების სამმართველოებისათვის მიკუთვნილი მიწის ნაკვეთები რენტის გადახდევინებისაგან.

2. დატოვებულ იქნეს ძალაში 1929 წ. აპრილის 1-დან 1930 წ. ოქტომბრის 1-მდე „რესპუბლიკანურსა და ადგილობრივ ბიუჯეტებში ჩასარიცხ გადასახადთა და გამოსაღებთა გადახდის სფეროში ზოგიერთი ორგანიზაციისათვის შეღავათების მინიჭების შესახებ“ გამოცემული საქართველოს სსრ სახალხო კომისართა საბჭოს 1929 წ. იანვრის 8-ს დადგენილების (საქართველოს სსრ კან. კრ. 1929 წ. მე-3 №-რი, მუხ. 33) მე-4 მუხლის „ბ“ პუნქტი.

საქართველოს სსრ სახალხო კომისართა
საბჭოს თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა
საბჭოს საქმეთა მმართველი პ. მეგრელიშვილი.

1929 წ. სექტემბრის 3.

ტფილისი—სასახლე.

219. დ ა დ გ ე ნ ი ლ ე ბ ა ს. ქ. ს.

საქართველოს სსრ ტერიტორიაზე 1929/30 წელს წყლის გამოსაღების ჩატარების შესახებ.

თანხმად სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1929 წ. ივლისის 24-ს დადგენილებით დამტკიცებული დებულებისა „წყლის გამოსაღების შესახებ“ (სსრკ კან. კრ. 1929 წ. 49 №-რი, მუხ. 440 და 441) და ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1929 წ. აგვისტოს 15-ს თარიღისა და 152 №-ის დადგენილებისა „1929/30 სავადასახადო წელს წყლის გამოსაღების ჩატარების წესის შესახებ“ (ა/კსფსრ კან. კრ. 1929 წ. მე-16 №-რი, მუხ. 135)—საქართველოს სსრ სახალხო კომისართა საბჭო ადგენს:

1. შემოღებულ იქნეს მთლად საქართველოს სსრ ტერიტორიაზე ქვემოთ ჩამოთვლილი მუხლებით გათვალისწინებული წესი 1929/30 სავადასახადო წელს წყლის გამოსაღების ჩატარების შესახებ.

2. წყლის გამოსაღები შემოიღება საქართველოს სსრ წყლის ქსელის ექსპლოატაციისა და წყალ-სამეურნეო დაწესებულებათა ქვედა აპარატის შესანახად საჭირო ხარჯების დასაფარავად.

წყლის გამოსაღებით შემოსული თანხები მოხმარდება შემდეგ ხარჯებს, რაც დაკავშირებულია წყლის ქსელის ექსპლოატაციასთან:

ა) წყალ-სამეურნეო გამართულობათა და ნაგებობათა მიმდინარე რემონტს და აგრეთვე ამ სამუშაოთა შესრულებასთან დაკავშირებულ პროექტირებას;

ბ) არსებულ წყლის სისტემათა საექსპლოატაციო დარგის ორგანოების სასამსახურო, სასაწყობო და სხვა სადგომების შენახვასა და რემონტს;

გ) არსებულ წყლის სისტემათა სატელეფონო კავშირგაბმულობის შენახვასა და რემონტს;

დ) საექსპლოატაციო ჰიდრომეტრიას და მიმდინარე სტატისტიკას;

ე) საერთო სარგებლობის არხების გასწვრივ ხეთა-რგვის საქმისათვის ხელისშეწყობას;

ვ) რწყვის პერიოდში წყლის განაწილების მოწესრიგებისათვის საჭირო სამუშაოებს;

ზ) ქვედა წყალ-სამეურნეო დაწესებულებათა საექსპლოატაციო შტატის შენახვას, საოლქო დაწესებულებათა გამოკლებით; აგრეთვე მერაბებისა, ჯუფარებისა, ყარაულებისა, მოარული დარაჯებისა და სხვ. სრულ შენახვას.

შენიშვნა. მთლად საირიგაციო სისტემაზე საწარმოები ახალი დიდი

და წვრილი მშენებლობის ხარჯები წყლის გამოსაღებით არ დაითარება. (წყლის გამოსაღების 1929 წ. ივლისის 24-ს დებულების 1 და 2 მუხ.).

3. წყლის გამოსაღები გადაჭმდება ყველა იმ სახელმწიფო ორგანოს, კო-ოპერატიულ და კერძო ორგანიზაციას და კერძო პირს, რომელიც-კი საქართველოს სსრ ტერიტორიაზე გამოიყენებს წყალ-სამეურნეო სისტემას სასოფლო-სამეურნეო დანიშნულების მიწების მორწყვისა ან მელიორაციისათვის, აგრეთვე



საქართველოს სსრ სახალხო კომისართა საბჭოს 1929 წ. მარტის 29-ს დადგენილებების 27 მუხლში გათვალისწინებული წესით (წყლის გამოსაღების მე-5 მუხლის მე-2 შენიშვნა).

6. წყლის გამოსაღებით დასაბეგრი შემოსავალი სოფლად მდებარე წყალმომქმედ საწარმოსი, რომელიც ერთიანი სასოფლო-სამეურნეო გადასახადით იბეგრება, განისაზღვრება ამ საწარმოს შემოსავლის იმ თანხის მიხედვით, რაც 1929/30 წელს დაბეგრილია ერთიანი სასოფლო-სამეურნეო გადასახადით. (წყლის გამოსაღების დებულების მე-6 მუხლი).

7. წყლის გამოსაღების რაოდენობა თვითეული ინდივიდუალური მეურნეობისათვის სოფლად განისაზღვრება სარწყავი მიწისა და წყალმომქმედ საწარმოს დასაბეგრი შემოსავლის თანხის მიხედვით, რაც გამოანგარიშებულ უნდა იქნეს ამა დადგენილების მე-5 და 6 მუხლების თანახმად შემდეგ განაკვეთებზე:

ა) მთლად საქართველოს სსრ ტერიტორიისათვის, ტფილისის ოლქის ყარაიაზის რაიონის გამოკლებით:

როდესაც საერთო თანხა მეურნეობის შემოსავლისა, რაც ერთიანი სას.-სამეურ. გადასახადით იბეგრება, არის:

სარწყავი მიწისა და წყალმომქმედი საწარმოს შემოსავლის თვითეულ მანეთზე:

არა უმეტეს	— 100 მანეთის	2 კაპ.
100 მან. მეტი	— 200 მანეთამდე	3 "
200 " "	— 300 "	5 "
300 " "	— 400 "	7 "
400 " "	— 500 "	9 "
500 " "	— 600 "	11 "
600 " "	— 700 "	13 "
700 " "	— 900 "	16 "
900 " მეტი	—	18 "

ბ) ტფილისის ოლქის ყარაიაზის რაიონისათვის:

როდესაც საერთო თანხა მეურნეობის შემოსავლისა, რაც ერთიანი სას.-სამეურ. გადასახადით იბეგრება, არის:

სარწყავი მიწისა და წყალმომქმედი საწარმოს შემოსავლის თვითეულ მანეთზე:

არა უმეტეს	100 მანეთისა	4 კაპ.
100 მან. მეტი	— 200 მანეთამდე	6 "
200 " "	— 300 "	10 "
300 " "	— 400 "	14 "
400 " "	— 500 "	18 "
500 " "	— 600 "	22 "
600 " "	— 700 "	26 "
700 " "	— 900 "	32 "
900 " მეტი	—	36 "

(წყლის გამოსაღების დებულების მე-7 მუხ. და ა/კსფსრ სახ. კომ-თა საბჭოს 1929 წ. აგვისტოს 15-ს თარიღისა და 152 №-ის დადადგენილების მე-II მუხ.)



8. წყლის გამოსაღების რაოდენობა საბჭოთა მეურნეობისა და კოლექტიურ მეურნეობისათვის განისაზღვრება; ა) ამა დადგენილების მე-5 და 6 მუხ. წესისამებრ აღრიცხული სარწყავი მიწებისა და წყალმომქმედ საწარმოს შემოსავლის თანხის მიხედვით და ბ) წყლის გამოსაღების საშუალო განაკვეთის მიხედვით უწყებულ რაიონში (ხოლო იქ, სადაც რაიონი მოწყობილი არ არის—მაზრასში) ამ გამოსაღებით დასაბეგრი შემოსავლის თვითეულ მანეთზე.

(წყლის გამოსაღების დებულების მე-8 მუხ.).

9. ქალაქისა და საქალაქო ტიპის დასახლებული ადგილისათვის, აგრეთვე ერთიანი სასოფლო-სამეურნეო გადასახადით დაუბეგრავი საწარმოსათვის, რომელიც წყალს გამოიყენებს სამრეწველო და სატექნიკო მიზნით ან როგორც ამამომძრავებელ ძალას (სხვათა შორის—რკინის გზისათვისაც) წყლის გამოსაღები დაწესდება შემდეგი განაკვეთებით:

ა) სარწყავი მიწის ნაკვეთის თვითეულ კვადრატულ მეტრზე—0,2 კაბ.

ბ) ადგილობრივი ტიპის წყალმომქმედ საწარმოსათვის (წისქვილი, სანაყავი და სხვ.) ყოველ თვალზე, ყოველ ვალცენზე ან წყვილ მორგვზე იმის მიხედვით, წყალი იმავე არხში ვარდება თუ სხვა არხში . 5—15 მან.

გ) საინჟინერო ტიპის წყალმომქმედ საწარმოსათვის (მექანიკური ძრავით), რომელიც წყალს გამოიყენებს როგორც ამამომძრავებელ ძალას,—თვითეულ ძალაზე—იმის მიხედვით, წყალი იმავე არხში ვარდება თუ სხვა არხში 10—20 მან.

დ) იმ საწარმოსათვის, რომელიც წყალს გამოიყენებს სამრეწველო და სატექნიკო მიზნით (სხვათა შორის რკინის გზისთვისაც)—მოსახმარებელი წყალის რაოდენობის მიხედვით—თვითეულ კილოლიტრზე 1—65 კაბ.

(წყლის გამოსაღების დებულების მე-10 მუხ. და ა/კსტსრ სახ. კ-თა საბჭოს 1929 წ. აგვისტოს 15-ს თარიღისა და 152 №-ის დადგენილების მე-IV მუხ. 1—4 პუნქტებით).

10. წყლის გამოსაღებისაგან განთავისუფლდება:

ა) ყველა მცირეძალოვანი ინდივიდუალური მეურნეობა, რომელიც 1929-30 წ. განთავისუფლებულია ერთიანი სასოფლო-სამეურნეო გადასახადისაგან როგორც დაუბეგრავი მინიმუმის მიხედვით—საქართველოს სსრ სახალხო კომისართა საბჭოს 1929 წ. მარტის 29-ს დადგენილების 33 მუხ. თანახმად, ისე ერთიანი სასოფლო-სამეურნეო გადასახადის კომისიების მიერ—იმავე დადგენილების 50 მუხლის წესისამებრ (წყლის გამოსაღ. დებ. მე-12 მუხლი);

ბ) წყალმოსარგებლეთა ყველა კოლექტიური შენაერთი (სამელიორაციო ამხანაგობა), რომელმაც იკისრა უწყებული წყლის სისტემის ექსპლოატაცია მთლად ან ნაწილობრივ და რომელიც ეწევა ამ ექსპლოატაციასთან დაკავშირებულ, ამა დადგენილების მე-2 მუხლით გათვალისწინებულ ხარჯებს (წყლ. გამოსაღ. დებ. მე-13 მუხლი);

11. 1929/30 წელს ერთიანი სასოფლო-სამეურნეო გადასახადით დასაბეგრავ ინდივიდუალურ მეურნეობას, რომელსაც ჰყავს 7 და 8 მკამელი მინიჭებული აქვს შეღავათი—შენაწერი წყლის გამოსაღების 5%-ს რაოდენობით, ხოლო იმ

მეურნეობას, რომელსაც ჰყავს 9 და 10 მკამელი—10%-ს რაოდენობით და ზომელსაც ჰყავს 11 და მეტი მკამელი—15%-ს რაოდენობით.

(წყლ. გამოსალ. დებულ. მე-7 მუხლის შენიშვნა და ა/კსფსრ სახალხო კომისართა საბჭოს 1929 წ. აგვისტოს 15-ს თარიღისა და 152 №-ის დადგენ. მე-III მუხ.).

შენიშვნა. იმ მეურნეობას, რომელიც ერთიანი სასოფლო-სამეურნეო გადასახადით ინდივიდუალური წესით არის დაბეგრული, ამა მუხლით გათვალისწინებული შეღავათი არ მიეცემა (ა/კსფსრ სახალხო კომისართა საბჭოს 1929 წ. აგვისტოს 15-ს თარიღისა და 152 №-ის დადგენილებების III მუხ. შენიშვნა).

12. საგადასახადო წელიწადი წყლის გამოსაღებისათვის დაწესებულია მაისის 1-დან აპრილის 30-დე ამიანად.

(წყლის გამოსაღების დებულების მე-15 მუხ).

13. წყლის გამოსაღები მთლად საქართველოს სსრ ტერიტორიაზე—მის შედგენილობაში შემავალი რესპუბლიკებითა და ოლქითურთ—გადახდილ უნდა იქნეს სამს ვადაზე:

1929 წ. ოქტომბრის 15—თვის 20% შეწერილი გამოსაღებისა.

1929 წ. დეკემბრის 1—თვის 50% " "

1930 წ. თებერვლის 1—თვის 30% " "

(წყლ. გამოსალ. დებულ. 16 მუხ. და ა/კსფსრ სახ. კ-თა საბჭოს 1929 წ. აგვისტოს 15-ს თარიღისა და 152 №-ის დადგენილების მე-IV მუხ. მე-6 პუნქტი).

14. წყლის გამოსაღების გამოანგარიშება და გადახდევინება დაეკისრება:

ა) სოფლად და აგრეთვე ისეთ ქალაქში და ქალაქის ტიპის დასახლებულ ადგილას, სადაც მოსახლეობა დაბეგრულია ერთიანი სასოფლო-სამეურნეო გადასახადით—იმ ორგანოებს, რომლებიც გათვალისწინებულ არიან საქართველოს სსრ სახალხო კომისართა საბჭოს 1929 წ. მარტის 29-ს დადგენილებაში „საქართველოს სსრ ტერიტორიაზე 1929/30 წელს ერთიანი სასოფლო-სამეურნეო გადასახადის ჩატარების შესახებ“ (საქართველოს სსრ კან. კრ. 1929 წ. მე-7 №-რი, მუხ. 60 და მე-12 №-რი, მუხ. 117);

ბ) ისეთ ქალაქში და ქალაქის ტიპის დასახლებულ ადგილას, სადაც მოსახლეობა ერთიანი სასოფლო სამეურნეო გადასახადით დაბეგრული არ არის, იმ ორგანოებს, რომლებიც რენტის გამოანგარიშებას და გადახდევინებას აწარმოებენ.

შენიშვნა. წყლის გამოსაღების გადახდევინება შეიძლება ერთიანი სასოფლო სამეურნეო გადასახადის საშენაწერო ფურცლით ამ გადასახადთან ერთად (წყლ. გამოსალ. დებულ. მე-17 მუხლი).

15. წყლის გამოსაღების გადახდელნი შუამდგომლობასა და საჩივარს შეიტანენ: ა) საჩივარს შემოსავლის წყაროების არასისწორით აღნუსხვის ან გამო-

საღების არასისწორით გამოანგარიშების შესახებ, აგრეთვე შუამდგომლობას შე-
ღავათების მინიჭების შესახებ—ერთი თვის ვადაზე საშენაწერო ფურცლის ჩაბ-
რების დღიდან და ბ) შუამდგომლობას სტიქიურ უბედურებათა გამო შეღავათის
მინიჭების შესახებ—ერთი თვის ვადაზე სტიქიური უბედურების დროიდან. ამ
საჩივრებს და შუამდგომლობებს განიხილავენ მე-14 მუხლში აღნიშნული ორგა-
ნოები ერთი კვირის ვადაზე იმ წესის დაცვით, რაც დადგენილია ერთიანი სა-
სოფლო სამეურნეო გადასახადისა თუ რენტის გამო შეტანილ შუამდგომლობათა
და საჩივართა განხილვისათვის.

(წყლ. გამოსალ. დებულ. მე-18 და 19 მუხლ. და ა/კსფსრ სახ. კ-თა საბჭოს
1929 წ. აგვისტოს 15-ს თარიღისა და 152 №-ის დადგ. მე-IV მუხ. მე-7 პუნქტი.

16. იმ გადამხდელს, რომელიც არ შეიტანს წყლის გამოსაღებს დაწესებულ
ვადაზე, შეეფარდება „გადასახადთა და გამოსაღებთა გადახდევინების დებულე-
ბით“ გათვალისწინებული ღონისძიებანი.

(წყლის გამოსალ. დებულ. მე-20 მუხლი).

17. წყლის გადასახადით შემოსული თანხები ჩაირიცხება საქართველოს სსრ
სახალხო კომისართა საბჭოს სპეციალურ სახსარში, რასაც ინახავს და ხარჯავს
საქართველოს სსრ წყალთა მეურნეობის სამმართველო მარტოოდენ ამა დადგე-
ნილების მე-2 მუხლში აღნიშნულ საკიროებისათვის თანახმად იმ წესისა, რაც
გათვალისწინებულია ამიერკავკასიის ცენტრალური აღმასრულებელი კომიტეტისა
და ა/კსფსრ სახალხო კომისართა საბჭოს 1927 წ. ნოემბრის 15-ს დადგენილებით
„სახელმწიფო ბიუჯეტზე მყოფ დაწესებულებათა სპეციალური სახსარის შესახებ“
(ა/კსფსრ კან. კრ. 1927 წ. 21 №-რი, მუხ. 242).

ამ წესის დარღვევა და წყლის გამოსაღებით შეკრფილი თანხების დახარ-
ჯვა არა იმ მიზნებისათვის, რაც ამა დადგენილების მე-2 მუხლშია გათვალის-
წინებული, გამოიწვევს დამნაშავე თანამდებობის პირის პასუხისმგებლობას საქა-
რთველოს სსრ სისხლის სამართლის კოდექსის 115 მუხლით. (ა/კსფსრ სახ. კ-თა
საბჭოს 1929 წ. აგვისტოს 15-ს თარიღისა და 152 №-ის დადგენილების მე-IV
მუხლის მე-8 პუნქტი).

18. ინსტრუქციებს ამა დადგენილების შეფარდებრისათვის გამოსცემს ფო-
ნანსთა სახალხო კომისარიატი საქართველოს სსრ წყალთა მეურნეობის სამმარ-
თველოსთან შეთანხმებით—სათანადო შემთხვევაში.

19. წყლის გამოსაღების გადამხდელნი, ამ გამოსაღების გადახდის დამოუ-
კიდებლად, გაიწვევიან ნატურალურ წყალ-სამეურნეო ბეგარაზე განსაკუთრებული
კანონის თანახმად.

(წყლის გამოსაღების დებულ. 22 მუხლი).

20. ამა დადგენილების სამოქმედოდ შემოღებისთანავე ძალადაკარგულად
ჩაითვალოს საქართველოს სსრ სახალხო კომისართა საბჭოს დადგენილებანი: ა)
1929 წ. თებერვლის 12-სა „საქართველოს სსრ-ისა და მის შედგენილობაში შე-
მაღალი აფხაზეთის სსრ-ისა, აჭარისტანის ავტონომიური სსრ-ისა და სამხრეთ-

ოსეთის ავტონომიური ოლქის ტერიტორიაზე წყლის გამოსაღების განაკვეთების დაწესებისა და ამ გამოსაღების გადახდევინების წესის შესახებ (საქართველოს სსრ კან. კრ. 1929 წ. მე-6 №-რი, მუხ. 56) და ბ) 1929 წ. მარტის 8-სა „წყლის გამოსაღების განაკვეთების დაწესებისა და ამ გამოსაღების გადახდევინების წესის თაობაზე გამოცემული საქართველოს სსრ სახალხო კომისართა საბჭოს 1929 წ. თებერვლის 12-ს დადგენილების 1-ლი მუხლის შეცვლისა და დამატების შესახებ“ (საქართველოს სსრ კან. კრ. 1929 წ. მე-6 №-რი, მუხ. 59).

საქართველოს სსრ სახალხო კომისართა
 საბჭოს თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა
 საბჭოს სექმეთა მმართველი პ. მეგრელიშვილი.

1929 წ. სექტემბრის 10.

ტფილისი—სასახლე.

გამოქვეყნებულია გაზ. „კომუნისტის“ 216 №-ში 1929 წ. სექტემბრის 19.

220. დ ა დ გ ე ნ ი ლ ე ბ ა ს. კ. ს.

„საქართველოს სსრ ტერიტორიაზე 1929-30 წელს წყლის გამოსაღების ჩატარების თაობაზე“ გამოცემული 1929 წ. სექტემბრის 10-ს დადგენილების მე-3 მუხლისათვის შენიშვნის დამატების შესახებ.

საქართველოს სსრ სახალხო კომისართა საბჭო ადგენს:

„საქართველოს სსრ ტერიტორიაზე 1929-30 წელს წყლის გამოსაღების ჩატარების შესახებ“ გამოცემული საქართველოს სსრ სახალხო კომისართა საბჭოს 1929 წ. სექტემბრის 10-ს დადგენილების მე-3 მუხლს (გაზ. „კომუნისტი“-ს 216/2562 №-რი 1929 წ. სექტემბრის 19-სა) დაემატოს შენიშვნა შემდეგი შინაარსისა:

„შენიშვნა. წყლის გამოსაღები არ უნდა გადახდეს იმ წყალმოკმეოდ საწარმოს, რომელიც წყალს ხმარობს, როგორც ამომპარავებელ ძალას ან ტექნიკური და სამრეწველო მიზნით პირდაპირ ბუნებრივ წყალსათავსიდან (მდინარიდან, ტბიდან და სხვ.)“.

საქართველოს სსრ სახალხო კომისართა საბჭოს
 თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა
 საბჭოს საქმეთა მმართველი პ. მეგრელიშვილი.

1929 წ. სექტემბრის 17.

ტფილისი—სასახლე.

გამოქვეყნებულია გაზ. „კომუნისტი“-ს 219 №-ში 1929 წ. სექტემბრის 22.

შეცდომის გასწორება

1929 წ. „კანონთა კრებული“-ს № 13 ვვერდი 343 სტრიქონი ზევიდან 19

დაბეჭდილია:

თანხმობის განცხადებით ფაქტიური...

უნდა იყოს:

თანხმობის განცხადებით, ფაქტიური...